

卷二十八 平脉凡十六類

卷二十九 針灸凡七類

孔穴主對法

卷三十 頭面部

心腹

四肢

風痺

風病

癩癩

中惡

熱病

黃痺

霍亂

癰瘤

痔漏

尸厥

尸注

瘡病

癩病

陰病

雜病

婦人病

小兒病

千金要方

脈法凡十六類

平脈大法第一

論曰夫脈者醫之大業也不深究其道何以爲醫是以古之哲醫寤寐俯仰不與常人同域造次必於醫輿沛必於醫故能感於鬼神通於天地可以濟眾可以依憑若與常人混其波瀾則庶事墮壞使夫物類將何仰焉由是言之學者必當屏棄俗情凝心於此則和鵠之功因茲可得而致也 經曰診脈之法常以平旦陰氣未動陽氣未散飲食未進經脈未盛絡脈調勻氣血未亂故迺可診有過之脈切脈動靜而視精明察五色觀五臟有餘不足六腑強弱形之盛衰可以此參互訣生死之分也 又曰平脈者皆於平旦先診寸口初重指切骨定畢便漸舉指與皮毛相得於輕重之間隨人強弱肥瘦以意消息進退舉按之宜稱其浮沉諸類應於四時五行與人五臟相應輕重相薄尋狀論寒暑得失 凡人稟形氣有中適有躁靜各不同氣脈流動亦各隨其性情故一呼脈再至一吸脈再至呼吸定息之間復一至合爲五至此爲平和中適者也春秋日夜正等無餘分時也其餘日則其呼而脈至多吸而脈至少或吸而脈至多呼而脈至少此則不同如冬夏日長短之異也凡氣脈呼吸法晝夜變通倣四時然於呼吸定息應五至之限無有虧僻猶晷刻與四時有長短而歲功

日數無遺也。若人有羸有壯，其呼吸雖相壓遏，而晝夜息度隨其漏刻，是謂呼吸象晝夜變通。倣四時，夫診脈當以意，先自消息，壓取病人呼吸，以自同而後察其脈數，計於定息之限。五至者爲平人，若有盈縮尋狀論病源之所宜也。問曰：何謂三部脈？答曰：寸關尺也。凡人脩短不同，其形各異，有尺寸分三關之法。從肘腕中橫文至掌魚際後文，却而十分之，而入取九分，是謂尺。從魚際後文，却還度取十分之一，則是寸。寸十分之，而入取九分之中，則寸口也。此處其骨自高，故云陰得尺內有寸，陽得寸內有尺。從寸口入，却行六分爲關，分從關分，又入六分爲尺分。又曰：從魚際至高骨，却行一寸，其中名曰寸口。從寸口至尺名曰尺澤，故曰尺寸寸後尺。前名曰關陽，出陰入以關爲界。如天地人爲三界，寸主射上焦頭及皮毛，竟手上部關主射中焦腹及腰中部，尺主射下焦小腹至足下部。此爲三部法象，三才天地人，頭腹足爲三元也。夫十二經皆有動脈，獨取寸口以決五臟六腑死生吉凶之候者，何謂也？然寸口者，脈之大會，手太陰之動脈也。人一呼脈行三寸，一吸脈行三寸，呼吸定息，脈行六寸。人一日一夜凡一萬三千五百息，脈行五十度，周於其身。漏水下百刻，榮衛行陽二十五度，行陰亦二十五度，爲一周。故五十度而復會於手太陰。太陰者，寸口也。卽五臟六腑之所終始，故法取於寸口。人有三百六十脈，法三百六十日也。

診五臟脈輕重法第二

初持脈如三菽之重，與皮毛相得者，肺部。

金秋三月  
庚辛之氣

如六菽之重，與血脈相得者，心部。

火夏三月  
丙丁之氣

如九菽

之重與肌肉相得者脾部土王四季季夏六月戊己之氣如十二菽之重與筋平者肝部木春三月甲乙之氣按之至骨舉之來疾

者腎部壬癸之氣水冬三月心肺俱浮何以別之然浮而大散者心也象火浮散浮而短澀者肺也象金浮澀腎肝俱沉何以

別之然牢而長者肝也如禾生苗吐穎濡而大舉指來實者腎也濡弱如勝水舉重船脾者中州故其脈在中是陰陽之脈也金

翼云遲緩而長者脾也

### 指下形狀第三

浮脈舉之有餘按之不足浮於指下沈脈舉之不足按之有餘重按之乃得澀脈細而遲往來難且散或一止復來

一曰浮而短一曰短而止或如散滑脈往來前却流利展轉替替然與數相似一曰浮中如有丸一曰漉漉如欲脫洪脈極大在指下一一曰

大細脈小大於微常有但細耳微脈極細而軟或欲絕若有若無一曰薄一曰按之如欲盡絕弦脈舉之

無力按之如張弓弦狀一曰如張弓弦按之不移又曰浮緊長為弦也緊脈數如切繩狀一曰如轉索之無常遲脈呼吸三至去來極遲一曰

舉之不足按之盡牢一曰按之盡牢舉之無有數脈去來促急一曰一息脈五至緩脈去來亦遲小駛於遲一曰浮大而軟弱

脈極軟而沉細按之欲絕指下一曰按之乃得舉之即無動脈見於關上無頭尾大如豆厥厥動搖伏脈極重指著骨

乃得一曰關上沉不出名曰伏一曰手乳脈浮大而軟按之中央空兩邊實一曰指下無兩傍有軟脈極軟而浮細

一曰按之無有舉之有餘一曰細小如軟千金翼軟作濡虛脈遲大而軟按之不足隱指豁豁然空實脈大而長微強按之隱指幅幅

然一曰沉促脈來去數時一止結脈往來緩時一止復來脈結長生代脈來數中指不能自還因而復

動脈代者死 散脈大而散散者氣實血虛有表無裏 革脈有似沈伏實大而長微弦千金翼以革為牢 弦與緊

相類 軟與弱相類 浮與乳相類又曰浮與洪相類 微與澀相類 沈與伏相類 緩與遲相類文曰軟與遲相類 革

與實相類翼作牢與實相類 滑與數相類

### 五臟脈所屬第四

心部在左手關前寸口亦名人迎 肝部在左手關上 腎部在左手關後尺中 肺部在右手關前寸口亦名氣口

脾部在右手關上 腎部在右手關後尺中

### 脈法謔云

心肝出左 脾肺出右 腎與命門 俱出尺部 魂魄穀神 皆見寸口 左手司官 右手司府

左大順男 右大順女 關前一分 人命之主 左為人迎 右為氣口 神門決斷 兩在關後

人無二脈 病死不愈 諸經損滅 各隨其部 三陰三陽一云按察陰陽 誰先誰後 陰病治官

陽病治府府外也 奇邪所舍 如何捕取 審而知之 鍼入病愈 脈有三部 陰陽相乘

榮衛氣血 而行人躬 呼吸出入 上下於中 因息遊布 津液流通 隨時動作 倣象形容

春弦秋浮 冬沉夏洪 察色觀脈 大小不同 一時之間 變無經常 尺寸參差 或短或長

上下乖錯 或存或亡 病輒改易 進退低昂 心迷意惑 動作紀綱 願為縷陳 令得分明

師子之所問 道之根源 脈有三部 尺寸及關 榮衛流行 不失銜銓 胃沉心洪 肺浮肝弦

此自常經 不失銖分 出入升降 漏刻周旋 水下二刻 脈一周身 旋復寸口 虛實見焉

變化相乘 陰陽相干 風則浮虛 寒則緊弦 沉潛水畜 支飲急弦 動弦為痛 數洪熱煩

設有不應 知變所緣 三部不同 病各異端 太過可怪 不及亦然 邪不空見 終必有奸

審察表裏 三焦別分 知邪所舍 消息診看 料度腑臟 獨見若神

分別病形狀第五

脈數在腑 脈遲在臟 脈長而弦病在肝 脈經作出於肝 脈小血少病在心 扁鵲云脈大而洪出於心 脈下堅上虛病在脾

胃 脈滑 一作澀 而微浮病在肺 脈沉而堅 扁鵲云小而緊 病在腎 脈滑者多血少氣 脈澀者少血多氣 脈大

者血氣俱多又云脈來大而堅者血氣俱實 脈小者血氣俱少又云脈來細而微者血氣俱虛 脈沉細滑

疾者熱 脈遲緊為寒 脈經云洪數滑疾為熱澀遲沉細為寒 脈盛滑緊者病在外熱 脈小實而緊者病在內冷 脈小弱而

澀謂之久病 脈浮滑而疾謂之新病 脈浮滑其人外熱風走刺有飲難治 脈沉而緊上焦有熱下寒得

冷即便下 脈沉而細下焦有寒小便數時苦絞痛下利重 脈浮緊且滑直者外熱內冷不得大小便 脈

洪大緊急病速進在外苦頭發熱癰腫 脈細小緊急病速進在中寒為疝瘕積聚腹中刺痛 脈沉重而直

前絕者病血在腸間 脈沉重而不散者因寒食成癥 脈直前而中散絕者病消渴 又云病浸淫瘡 脈沉重前不

至寸口徘徊絕者病在有病遁尸 脈左轉而沉重者氣微傷在胸中 脈右轉出不至寸口者內有肉癥

脈累累如貫珠不前有風寒在大腸伏留不去 脈累累如止不至寸口軟者結熱在腸膜中伏留不去 脈

直前左右彈者病在血脈中脘血也 脈後而左右彈者病在筋骨中也 脈前大後小頭痛目眩 脈前小

後大胸滿短氣 上部有脈下部無脈雖其人當吐不吐者死 上部無脈下部有脈雖困無所苦 夫脈者

血之府也 長則氣治 短則氣病 數則煩心 大則病進 上盛則氣高 下盛則氣脹 代則氣衰

細太素作滑則氣少 澀則心痛渾渾草草至如涌泉病進而危 弊弊綽綽其去如弦絕者死 短而急者病在

上 長而緩者病在脾 沉而弦急者病在內 浮而洪大者病在外 脈實者病在內 脈虛者病在外

在上為表在下為裏 浮為在表沉為在裏 滑為實為下又為陽氣衰 數為虛為熱 浮為風為虛 動為驚

為驚 沉為水為實又為鬼疰 弱為虛為悸 遲則為寒 澀則少血 緩則為虛 洪則為氣一作熱 緊則為

寒 弦數為瘧 瘧脈自弦弦數多熱弦遲多寒 微則為虛 代散則死 弦為痛痺一作浮為風疰 偏弦為飲

雙弦則脇下拘急而痛其人澀澀惡寒 脈大寒熱在中 脈伏者霍亂 安臥脈盛謂之脫血 凡亡汗

肺中寒飲冷水咳嗽下利胃中虛冷此等其脈並緊 浮而大者為風又為中風頭痛鼻塞 浮而緩者皮膚

不仁風寒入肌肉 滑而浮散者癰瘰風 滑為鬼疰 澀而緊痺病 浮洪大長者風眩癩疾 大堅疾者

癩病 弦而鉤脇下如刀刺狀如蠶尸至困不死 緊而急者遁尸 洪大者傷寒熱病浮洪大者傷寒秋吉

春成病 浮而滑者宿食 浮滑而疾者食不消脾不磨 短疾而滑酒病 浮而細滑傷飲 遲而濡中寒

有癥結 缺而緊積聚有擊痛 弦急疝瘕小腹痛又為癖病一作疝病 遲而滑者脹 盛而急者脹 弦小者

寒澀 沉而弦者懸飲內痛 弦數有寒飲冬夏難治 緊而滑者吐逆 小弱而澀胃反 遲而緩者有寒

微而緊者有寒 沉而遲者腹臑有冷病 微弱者有寒少氣 實緊胃中有寒若不能食時時利者難治

一作時時 嘔噦難治 滑數心下結熱盛 滑疾胃中有熱 緩而滑曰熱中 沉而急病傷水暴發虛熱 浮而絕者

氣病 大而滑者短氣 浮短者其人肺傷諸氣微少不過一年死法當欬嗽 沉而數中水冬不治自愈

短而數心痛心煩 弦而緊脇痛臑傷有瘀血一作有寒血 沉而滑為下重亦為膺痛 脈細而滑按之虛因急

恃直者僵仆從高墮下病在內 微浮者秋吉冬成病 微數雖甚不成病不可勞 浮滑疾緊者以合百病

久易愈 陽邪來見浮洪 陰邪來見沉細 水穀來見堅實 脈來乍大乍小乍長乍短者為祟 脈來洪

大嫋嫋者祟 脈來沉沉澤澤四肢不仁而重者祟 脈與肌肉相得久持之至者可下之 弦小緊者可下

之 緊而數發寒熱必下乃愈 弦遲者宜溫藥 緊數者可發其汗

三關主對法第六

諸浮諸沉諸弦諸緊諸澀諸滑若在寸口膈以上病頭部若在關上胃以下病腹部若在尺中腎以下病腰脚部

平寸口脈主對法



手寸口脈滑而遲不沉不浮不長不短為無病左右同法 寸口太過與不及寸口之脈中手短者曰頭痛中

手長者曰足脛痛中手促上擊者曰肩背痛 寸口脈沉而堅者病在中 寸口脈浮而盛者曰病在外 寸

口脈沉而弱者曰寒熱及疝瘕小腹痛熱一作氣 又作中 寸口脈沉而弱髮必墮落 寸口脈沉而緊苦心下有寒

時時痛有積邪 寸口脈沉而滑者胸中有水氣面目腫有微熱為風水 寸口脈沉大而滑沉即為血實滑

即為氣實血氣相搏入臟即死入腑即愈 寸口脈沉胸中短氣 寸口脈沉而喘者寒熱 寸口脈浮而滑

者頭中痛 寸口脈浮大按之反澀尺中亦微而澀故知有滯氣宿食 寸口脈弦而緊弦即衝氣不行衝氣

不行即惡寒水流走腸間 寸口脈緊或浮膈上有寒肺下有熱 脈緊上寸口者中風風頭痛亦如之翼云亦為

傷寒 脈弦上寸口者宿食浮者頭痛 寸口脈弦大婦人半產漏下男子亡血失精 寸口脈微而弱微則

惡寒弱則發熱當發不發骨節疼煩當煩不煩熱極汗出 寸口脈微而弱氣血俱虛男子吐血婦人下血嘔

汁出 寸口脈動而弱動即為驚弱即為悸 寸口脈緩而遲緩即為虛遲即為寒虛寒相搏則欲溫食食冷

即咽痛 寸口脈遲而緩遲則為寒緩即為氣寒氣相搏則絞而痛 寸口脈遲而澀遲即為寒澀為少血

脈來過寸入魚際者遺尿脈出魚際逆氣喘息 寸口脈實者心勞 寸口脈澀澀如羹上肥陽氣微 連連

如蜘蛛絲陰氣衰 兩手前部陽絕者苦心下寒腰膝中熱 寸口脈偏絕則臂僻不遂兩手俱絕者不可治

寸口來暫大暫小者陰絡也苦陰風痺應時自發身洗洗也 寸口脈來暫小暫大者陽絡也苦皮膚病汗

出惡寒下部不仁 寸口脈浮中風發熱頭痛宜服桂枝湯葛根湯鍼風池風府向火灸身摩治風膏覆令汗出 寸口脈緊苦頭痛是傷寒宜服麻黃湯發汗鍼肩衝顛顛摩傷寒膏 寸口脈微苦寒爲衄宜服五味子湯麻黃葉莢膏令汗出 寸口脈數爲吐以有熱在胃脘臍胸中宜服藥吐之及鍼胃脘服除熱湯 若傷寒七八日至十日熱在中間煩滿而渴者宜服知母湯 寸口脈洪大胸脇滿宜服生薑湯白薇丸亦可紫菀湯下之鍼上腕期門章門 寸口脈緩皮膚不仁風寒在肌肉宜服防風湯以藥薄熨之佳灸諸治風穴 寸口脈滑陽實胸中蘊滿吐逆宜服前胡湯鍼太陽巨闕瀉之 寸口脈弦心下愠愠微頭痛心下有水氣宜服甘遂丸鍼期門瀉之 寸口脈弱陽氣虛弱自汗出宜服茯苓湯內補散將適飲食消息勿極勞鍼胃管補之 寸口脈澀是胃氣不足宜服乾地黄湯自養調和飲食鍼胃管一作補之 寸口脈孔吐血微衄者衄血空虛去血故也宜服竹皮湯黃土湯灸臙中 寸口脈伏胸中逆氣噎塞是諸氣上衝胸中宜服前胡湯大三建丸鍼巨闕瀉之 寸口脈沉胸中引脇痛胸中有水氣宜服澤漆湯鍼巨闕瀉之 寸口脈軟弱自汗出是虛損病宜服乾地黄湯薯蕷丸內補散牡蠣散并粉身鍼大衝補之 寸口脈遲上焦有寒心痛咽酸吐酸水宜服附子湯生薑湯茱萸丸調和飲食以暖之 寸口脈實卽生熱在脾肺嘔逆氣塞虛則生寒在脾胃食不消化熱宜服竹葉湯葛根湯寒宜服茱萸丸生薑湯 寸口脈細發熱嘔吐宜服黃芩龍膽湯吐不止宜服橘皮枳梗湯及灸中府

平關脈主對法

關上脈浮而大風在胃中張口肩息心下澹澹食欲嘔 關上脈微浮積熱在胃中嘔吐蚘蟲心健忘 關上

脈滑而大小不均必吐逆是為病方欲來不出一二日復欲發動其人欲多飲飲即注利如利止者生不止者

死 關上脈緊而滑者虵動 關上脈弦而長翼作大有痛如刀刺之狀在臍左右上下脈經云有積在臍左右上下 關上

脈澀而堅大而實按之不減有力為中焦實有伏結在脾肺氣塞實熱在胃中 關上脈襜襜大而尺寸細者

其人必心腹冷積癥瘕結聚欲熱飲食 關上脈時來時去乍大乍小乍疎乍數者胃中寒熱羸劣不欲飲食

如瘡狀 關上脈浮腹滿不欲食浮為虛滿宜服平胃丸茯苓湯生薑前胡湯鉞胃管先瀉後補之 關上脈

緊心下苦滿痛為實宜服茱萸當歸湯加大黃二兩佳脈經云又大黃湯兩治之佳 鉞巨闕下脘瀉之 關上脈微為胃中

冷心下拘急宜服附子湯生薑湯附子丸鉞巨闕補之 關上脈數胃中有客熱宜服知母湯一作除熱湯鉞

巨闕上脘瀉之 關上脈緩不欲食此脾胃氣不足宜服平胃丸補脾湯及鉞章門補之 關上脈滑胃中有

熱滑為熱實氣滿故不欲食食即吐逆宜服朴硝麻黃湯平胃丸一作紫苑湯人參大平胃丸 鉞胃脘瀉之 關上脈弦胃

中有冷心下厥逆脈弦胃氣虛宜服茱萸湯溫調飲食鉞胃脘補之 關上脈弱胃氣虛胃中有客熱脈弱為

虛熱作病且說云有熱不可大攻之熱去即寒起宜服竹葉湯及鉞胃脘補之 關上脈虛細腹滿宜服生薑

湯茱萸蜀椒湯白薇丸鉞灸三脘 關上脈澀血氣逆冷脈澀為血虛宜服乾地黄湯四補散鉞足太衝上補

之 關上脈孔大便去血宜服生地黄并生竹皮湯灸臍輪若重下去血鍼關元甚者服龍骨丸作巨關 關

上脈伏有水氣溲泄宜服温脾丸鍼關元利小便止溲泄便止 關上脈洪胃中熱必頭滿宜服平胃丸鍼胃

腕先瀉後補之 關上脈沉心下有冷氣苦滿吞酸宜服白薇丸茯苓丸附子湯鍼胃腕補之 關上脈軟苦

虛冷脾虛氣弱重下病宜服赤石脂湯女萎丸鍼胃腕補之 關上脈遲胃中寒宜服桂枝丸茱萸湯鍼胃腕

補之 關上脈實胃中痛宜服梔子湯茱萸烏頭丸鍼胃腕補之 關上脈牢脾胃氣塞盛熱即腹滿嚮嚮宜

服紫菀山瀉脾丸鍼灸胃腕瀉之

平尺脈主對法

尺脈浮者客陽在下焦 尺脈弱者下焦冷無陽氣上熱衝頭面 尺脈弱寸強胃絡脈傷 尺脈偏滑疾面

赤如醉外熱則病 尺脈細微溲泄冷利素問云尺寒脈細謂之後泄 尺脈虛小足脛寒痿痹脚疼 尺脈澀下血不利

多汗素問云夫澀脈滑謂之多汗 尺脈沉而滑者寸白蟲 尺脈細而急者筋攣痹不能行 尺脈大者熱在胛中小便

赤痛 尺脈粗而熱者謂之熱中腰膝疼小便赤熱 尺脈按之不絕婦人血閉與關相應和滑者男子氣血

實婦人即為妊娠 尺脈來而斷絕者男子小腹有滯氣婦人月水不利 尺脈軟弱內蘊熱手足逆冷汗出

尺脈俱沉關上無有者苦心下喘 尺脈俱沉關上若有苦寒心下痛陰中冷脚痹 尺脈微少心力不欲

言血氣不足其人脚弱短氣 尺脈俱數手足頭面有熱俱遲有寒手足頭面有冷風 尺脈浮下熱風小便

難宜服瞿麥湯滑石散鍼橫骨關元瀉之 尺脈緊臍下痛宜服當歸湯灸天樞鍼關元補之 尺脈微厥逆

小腹中拘急有寒氣宜服小建中湯鍼氣海 尺脈數惡寒臍下熱痛小便赤黃宜服雞子湯白魚散鍼橫骨

瀉之 尺脈緩脚弱下腫一本無此四字小便難有餘瀝宜服滑石湯瞿麥散鍼橫骨瀉之 尺脈滑血氣實經脈不

利宜服朴硝煎大黃湯下去經血鍼關元瀉之 尺脈弦小腹疼小腹及脚中拘急宜服建中湯當歸湯鍼氣

海瀉之 尺脈弱氣少發熱骨煩宜服前胡湯乾地黄茯苓湯鍼關元補之 尺脈澀足脛逆冷小便赤宜服

附子四逆湯鍼足太衝補之 尺脈芤下焦虛小便去血宜服竹皮生地黃湯灸丹田關元 尺脈伏小腹痛

癥痼水穀不化宜服大平胃丸桔梗丸鍼關元補之 尺脈沉腰痛宜服腎氣丸鍼京門補之 尺脈軟脚

不收風痹一本無此五字小便難宜服瞿麥湯白魚散鍼關元瀉之 尺脈牢腹滿陰中急宜服葶藶茺萸丸鍼丹田

關元中極 尺脈遲下焦有寒宜服桂枝丸鍼氣海關元瀉之 尺脈實小腹痛小便不禁宜服當歸湯加大

黃一兩利其大便鍼關元補之

### 五臟積聚第七

人病有積有聚有穀氣穀一作繫夫積者臟病終不移也聚者腑病發作有時展轉痛移為可治也穀氣者脇下牽

痛按之則愈愈而復發夫病已愈不得復發發即為穀氣也 諸積大法脈來細軟附骨者為積也 寸口結

者積在胸中 微出寸口積在喉中 關上結者積在臍傍 關下微者積在小腹 尺中結積在氣衝 上

關上積在心下 脈出在左積在左 脈出在右積在右 脈兩出積在中央各以其背處之 寸口沉而橫者脇下及腹中有橫積痛 脈弦腹中急痛腰痛相引腹中有寒疝瘕 脈弦緊而細微者癥也 夫寒瘵癥瘕積聚之脈狀皆弦緊 若在心下卽寸弦緊 在胃脘卽關弦緊 在臍下卽尺弦緊 一云關脈長弦有積在臍左右上下 又脈癥法 左手脈橫癥在左 右手脈橫癥在右 脈頭大在上頭小在下 又一法 橫脈見左積在右 見右積在左 偏得洪實而滑亦爲積 弦緊亦爲積爲寒痺爲疝痛 內有積不見脈難治 見一脈相應爲易治 諸不相應爲不合治也 左手脈大右手脈小上病在左脇下病在左足 右手脈大左手脈小上病在右脇下病在右足 脈弦而伏者腹中有癥不可轉也必死不治 脈來細沉而直者身有癰腫腹中有伏梁 脈來沉而虛者泄注也 脈來小沉實者胃中有積聚不可下食卽吐

### 陰陽表裏虛實第八

弦爲少陽 緩爲陽明 洪爲太陽三陽也 微爲少陰 遲爲厥陰 沉爲太陰三陰也 脈有一陰一陽一陰二陽 一陰三陽 有一陽一陰 一陽二陰 一陽三陰如此言之寸口有六脈俱動耶然經言如此者非有六脈俱動也謂浮沉長短滑澀也 凡脈浮滑長者陽也沉澀短者陰也所以言一陰一陽者謂脈來沉而滑也一陰二陽者脈來沉滑而長也一陰三陽者謂脈來浮滑而長時一沉也所以言一陽一陰者謂脈來浮而澀也一陽二陰者謂脈來長而沉澀也一陽三陰者謂脈來沉澀而短時一浮也各以其經所在言

病之逆順也 脈有陽盛陰虛陰盛陽虛何謂也然浮之損小沉之實大故云陰盛陽虛 沉之損小浮之實

大故曰陽盛陰虛是謂陰陽虛實之意也 凡脈浮大數動長滑陽也沉澀弦弱短微陰也陽病見陰脈者逆

也主死陰病見陽脈者順也主生 關前為陽關後為陰陽數即吐陰微即下陽弦則痛陰弦則腹痛依陰陽

察病也 又尺脈為陰陰脈常沉而遲寸關為陽陽脈但浮而速 尺脈上不至關為陰絕寸脈下不至關為

陽絕陰絕而陽微死不治 呼為表屬腑吸為裏屬臟 陽微不能呼陰微不能吸 呼吸不足胸中短氣

弱反在關濡反在顛微反在上澀反在下微即陽氣不足煩熱汗出澀即無血厥而且寒 諸腑脈為陽主熱

諸臟脈為陰主寒陽微則汗陰浮自下脈經作陰微 陽數口生瘡陰數加微必惡寒煩擾而不得眠 陽乳吐血脈經

作陽數則吐血陰乳下血脈經作陰澀則下血無陽則厥無陰則嘔 寸口脈浮大而疾者名曰陽中之陽病苦煩滿身熱頭痛

腹中熱 寸口脈沉細者名曰陽中之陰病苦悲傷不樂惡聞人聲少氣時汗出陰氣不通不通一作併 臂不能舉

巢氏病源作臂偏不舉 尺脈沉細者名曰陰中之陰病苦兩脛酸疼不能久立陰氣衰小便餘瀝陰下濕癢 尺脈滑

而浮大者名曰陰中之陽病苦小腹痛滿不能溲溲即陰中痛大便亦然 尺脈牢而長關上無有此為陰干

陽其人苦兩脛重小腹引腰痛 寸口壯大尺中無有此為陽干陰其人苦腰背痛陰中傷足脛寒 人有三

虛三實者何謂也然有脈之虛實有病之虛實有診之虛實脈之虛實者脈來濡者虛牢者實也病之虛實者

出者為虛入者為實言者為虛不言者為實緩者為虛急者為實也診之虛實者痿者為虛痛者為實外痛內

快爲外實內虛內痛外快爲內實外虛故曰虛實也 問曰何謂虛實答曰邪氣盛則實精氣奪則虛何謂重寶所謂重寶者大病氣熱脈滿是謂重寶也 脈盛皮熱腹脹前後不通惋替爲五實 脈細皮寒氣少泄利注前後飲食不入爲五虛

### 何時得病第九

何以知人露臥得病陽中有陰也 何以知人夏月得病諸陽入陰也 何以知人春得病無肝脈也 無心脈夏得病 無肺脈秋得病 無腎脈冬得病 無脾脈四季之月得病

### 扁鵲華佗察聲色要訣第十

病人五臟已奪神明不守聲嘶者死 病人循衣縫譫語者不可治 病人陰陽俱絕掣衣撮空妄言者死 病人妄語錯亂及不能語者不治熱病見此可治 病人陰陽俱絕失音不能言三日半死 病人兩目皆有黃色起者其病方愈 病人面黃目青者不死青如草滋死 病人面黃目赤者不死赤如衄血死 病人面黃目白者不死白如枯骨死 病人面黃目黑者不死黑如炷者死 病人面目俱等者不死 病人面黑目青者不死 病人面青目白者死 病人面赤目青者六日死 病人面黃目青者九日死是謂亂經 飲酒當風邪入胃經膽氣妄洩目則爲青雖有天救不可復生 病人面赤目白者十日死 憂恚思慮心氣內索面色反好急求棺槨十日死 病人面白目黑者死此謂榮華已去血脈空索 病人面黑目白者八日死腎



氣內傷病因留積 病人面青目黃者五日死 病人著牀心痛短氣脾竭內傷百日復愈能起徬徨因坐於地其立倚牀能治此者可謂神良 病人面無精光若土色不受飲食者四日死 病人目無精光及牙齒黑色者不治 病人耳目鼻口有黑色起入於口者必死 病人耳目及顴頰赤者死在五日中 病人黑色出於額土髮際下直鼻脊兩顴上者亦死在五日中 病人及不病人黑色若白色起入目及口鼻者死在三日 中 病人及健人面忽如馬肝色望之如青近之如黑者死 病人面黑目直視惡風者死 病人面黑臂青者死 病人面青臂黑者死 病人面黑兩脇下滿不能自轉側者死 病人目回回直視肩息者一日死 病人陰結陽絕目精脫恍惚者死 病人陰陽絕目眶陷者死 病人眉系傾者七日死 病人口如魚口不能復閉而氣出多不返者死 病人口張者三日死 病人臂青人中反者三日死 病人臂反人中滿者死 病人臂口忽乾者不治 病人臂腫齒焦者死 病人齒忽變黑者十三日死 病人舌卷卵縮者必死 病人汗出不流舌卷黑者死 病人髮直者十五日死 病人髮如乾麻善怒者死 病人髮與眉衝起者死 病人爪甲青者死 病人爪甲白者不治 病人手足爪甲下肉黑者八日死 病人榮衛竭絕面浮腫者死 病人卒腫其面蒼黑者死 病人手掌腫無文者死 病人臍腫反出者死 病人陰囊莖俱腫者死 病人脈絕口張足腫者五日死 病人足跌腫嘔吐頭重者死 病人足跌上腫兩膝大如斗者十日死 病人臥遺尿不覺者死 病人尿臭者不可治 肝病皮白肺之日庚辛死 心病目黑腎之日壬癸死 脾

病腎青肝之日甲乙死 肺病頰赤目腫心之日丙丁死 腎病面腫脣黃脾之日戊己死 青欲如蒼壁之澤不欲如藍 赤欲如帛裹未不欲如赭 白欲如鳩羽不欲如鹽 黑欲如重漆不欲如炭 黃欲如羅裏雄黃不欲如黃土

診五臟六腑氣絕證候第十一

病人肝絕八日死何以知之面青但欲伏眠目視不見人汗一作泣出如水不止一日二日死 病人膽絕七日死何以知之眉為之傾 病人筋絕九日死何以知之手足爪甲青呼罵不休一日八日死 病人心絕一日死何以知之肩息回視立死一日目亭二日死 病人腸一云小腸絕六日死何以知之髮直如乾蘇不得屈伸自汗不止 病人脾絕十二日死何以知之口冷足腫腹熱臘脹泄利不覺出無時度一日五日死 病人胃絕五日死何以知之脊痛

腰中重不可反覆一日脾腸平九日死 病人肉絕六日死何以知之耳乾舌腫溺血大便赤泄一日足腫九日死 病人肺絕三日死何以知之口張但氣出而不還一日鼻口虛張短氣 病人大腸絕不治何以知之泄利無度利絕則死 病人腎絕四日死何以知之齒為暴枯面為正黑目中黃色腰中欲折自汗出如流水一日人中平七日死 病人骨絕齒黃

落十日死 諸浮脈無根者皆死已土五臟六腑為根也

診四時相反脈第十二

診四時相反脈第十二

春三月木旺肝脈治當先至心脈次之肺脈次之腎脈次之此為王相順脈也 到六月土旺脾脈當先至而

反不至反得腎脈此爲腎反脾也七十日死何爲腎反脾夏火旺心脈當先至肺脈次之而反得腎脈是謂腎反脾期五月六月忌丙丁 脾反肝三十日死何謂脾反肝春肝脈當先至而反不至脾脈先至是謂脾反肝期正月二月忌甲乙 腎反肝三歲死何謂腎反肝春肝脈當先至而反不至腎脈先至是謂腎反肝期七月八月忌庚辛 腎反心二歲死何謂腎反心夏心脈當先至而反不至腎脈先至是謂腎反心期六月忌戊己 此中不論肺金之氣疎略未喻指南又推五行亦頗顛倒待求別錄上 凡療病察其形貌神氣色澤脈之盛衰病之新故乃可治之 形氣相得色澤以浮脈從四時此爲易治 形氣相失色天不澤脈實堅甚脈逆四時此爲難治 逆四時者春得肺脈夏得腎脈秋得心脈冬得脾脈其至皆懸絕澀者曰逆 春夏沉澀秋冬浮大病熱脈靜泄痢脈大脫血脈實病在中脈堅實病在外脈不實名逆四時皆難療也 凡四時脈皆以胃氣爲本雖有四時王相之脈無胃氣者難痊也何爲胃氣脈來弱而滑者是也命曰易治

診脈動止投數踈數死期年月第十三

脈一動一止二日死一經云一日死 脈二動一止三日死 脈三動一止四日死或五日死 脈四動一止六日死 脈五動一止七日死或五日死 脈六動一止八日死 脈七動一止九日死 脈八動一止十日死 脈九動一止九日死又云十一日死一經云十三日死或立春死 脈十動一止立春死一經云立夏死 脈十一動一止立夏死一經云夏至死又云立秋死 脈十二動十三動一止立秋死一經云立冬死 脈

十四動十五動一止立冬死一經云立夏死 脈二十動一止一歲死或立秋死 脈二十一動一止二歲死

脈廿五動一止三歲死一經云一歲死又云立冬死 脈三十動一止二歲死或三歲死 脈三十五動一

止三歲死 脈四十動一止四歲死 脈五十動一止五歲死不滿五十動一止五歲死 五行氣畢陰陽數

同榮衛出入經脈通流晝夜百刻五德相生脈來五十投而不止者五臟皆受氣即無病也 脈來四十投而

一止者一臟無氣却後四歲春草生而死 脈來三十投而一止者二臟無氣却後三歲麥熟時而死 脈來

二十投而一止者三臟無氣却後二歲桑椹赤而死 脈來十投而一止者四臟無氣歲中死得節不動出清

明死遠不出穀兩死矣 脈來五動而一止者五臟無氣却後五日而死 脈一來而久住者宿病在心主中

治 脈二來而久住者病在肝枝主中治 脈三來而久住者病在脾下中治 脈四來而久住者病在腎間

中治 脈五來而久住者病在肺枝中治 五脈病虛羸人得此者死所以然者藥不得而治鍼不得而及盛

人可治氣全故也

扁鵲診諸反逆死脈要訣第十四

扁鵲曰夫相死脈之氣如羣鳥之聚一馬之馭系水交馳之狀如懸石之落出筋之上藏筋之下堅關之裏不

在榮衛同候交射不可知也 脈病人不病脈來如屋漏雀啄者死 屋漏者其來既絕而止時復起而不相聯

又經言得病七八日脈如屋漏雀啄者死 脈彈人手如黍米也 脈來如彈石去如解索者死 彈石者辟辟急也解索者動數而隨散亂無復次緒也

脈困病人脈如蝦之遊如魚之翔者死蝦遊者而萬萬伏尋復退沒不知所在久乃復起起輒遲而沒去速也魚翔者似魚不行而但掉尾動頭急搖而久住者是也脈

如懸薄卷索者死脈如轉豆者死脈如偃刀者死脈涌涌不去者死脈忽去忽來暫止復來者死脈中侈者

死脈勿絕者死上下分脈有表無裏者死經名曰結去即死何為結脈口指下如麻子動搖屬腎名曰結去

死近也脈五來不復增減者死經名曰代何謂代脈五來一止也脈七來是人坐一息半時不復增減亦名

曰代正死不疑經言病或有死或不治自愈或有連年月不已其死生存亡可切脈而知之耶設病者閉

目不欲見人脈當得肝脈弦急而長若反得脈浮短而澀者死病若閉目而渴心下牢者脈當得緊實而數

反得沉滑而微者死病吐血動衄者脈當得沉細而反得浮大牢者死病若譫言妄語身當有熱脈當洪

大而反得手足四逆脈反沉細微者死病大腹而泄脈當微細而澀反得緊大而滑者死經言形脈與病

相反者死奈何然病若頭痛目痛脈反短澀者死病若腹痛脈反浮大而長者死病腹滿而喘脈反沈而

滑利者死病四肢厥逆脈反浮大而短者死病耳聾脈反浮大而澀者死翼云脈大者生沉細遲者難治病目眈脈脈

反大而緩者死左有病而右痛右有病而左痛下有病而上痛上有病而下痛此為逆逆者死不可治脈

來微細而絕者人病當死脈來沉而絕濡浮而不止推手者半月死半一作日人病脈不病者生脈病人不

病者死人病尸厥呼之不應脈絕者死脈當大反小者死肥人脈細小如絲欲絕者死羸人脈躁者

死人身澀而脈來滑者死人身滑而脈來澀者死人身小而脈來大者死人身大而脈來小者死

人身短而脈來長者死 人身長而脈來短者死 尺脈上應寸口大遲者半日死脈經云尺脈不應寸時如馳半日死 診五臟六腑十二經脈皆有相反有一反逆即為死候也

### 診百病死生要訣第十五

凡診脈當視其人大小短長及性氣緩急脈之遲速大小長短皆如其人形性者吉反之者凶 診傷寒熱盛

脈浮大者生沉小者死 傷寒已得汗脈沉小者生浮大者死 溫病三四日以下不得汗脈大疾者生脈細

小難得者死不治 溫病時行大熱其脈細小者死脈經云時行作穰穰 溫病下利腹中痛甚者死不治 溫病汗不

出出不至足者死 厥逆汗出脈堅強急者生虛緩者死 熱病二三日身體熱腹滿頭痛食飲如故脈直而

絕者八日死 四五日頭痛腹痛而吐脈來細強十二日死 八九日頭不疼身不痛目不赤色不變而反利

脈來牒牒按之不彈手時大心下堅十七日死 熱病七八日脈不軟一作喘不散一作數者當瘡瘡後三日汗不

出者死 熱病七八日其脈微細小便不利加暴口燥脈代舌焦枯黑者死 熱病未得汗脈盛躁疾得汗者

生不得汗者難瘥 熱病已得汗脈靜安者生脈躁者難治 熱病脈躁盛而不得汗者此陽氣之極也十死

不治 熱病已得汗脈常躁盛此陰氣之極也亦死太素作陽極 熱病已得汗常大熱不去者亦死大一作專 熱病

已得汗熱未去脈微躁者慎不得刺治也 熱病發熱甚者其脈陰陽皆竭慎勿刺不汗出必下利 診人被

風不仁痿蹇其脈虛者生巢氏病源云虛數者生 緊急疾者死 診癩病虛則可治實則死又云脈實堅者生脈沉細小

者死 癩病脈搏大滑者久久自已其脈沉小急實不可治小堅急亦不可療 診頭痛目痛久視一作卒視無所

見者死 診人心腹積聚其脈堅強急者生虛弱者死又實強者生沉者死 其脈大腹大脹四肢逆冷其人

脈形長者死 腹脹滿便血脈大時絕及下血脈小疾者死 心腹痛痛不得息脈細遲者生堅大疾者死

腸澀便血身熱則死寒則生 腸澀下白沫脈沉則生浮則死 腸澀下膿血脈懸絕則死滑大則生 腸澀

之屬身熱脈不懸絕滑大者生弦澀者死以藏期之 腸澀下膿血脈沉小流連者生數疾且大有熱者死

腸澀筋攣脈小細安靜者生脈浮大緊者死 洞泄食不化下膿血脈微小者生緊急者死 泄注脈緩時小

結者生浮大數者死 蠱蝕陰瘧其脈虛小者生緊急者死 欬嗽脈沉緊者死浮直者生浮軟者生小沉伏

匿者死 欬嗽羸瘦脈形堅大者死 欬嗽脫形發熱脈小堅急者死 肌瘦下脫形熱不去者死 欬而嘔

腹脹且泄脈弦急欲絕者死 吐血衄血脈滑小弱者生實大者死 汗出若衄脈小滑者生大躁者死 唾

血脈緊強者死滑者生 吐血而欬上氣其脈數有熱不得臥者死 傷寒家咳而上氣脈數散者死謂其人

形損故也 上氣喘息低昂脈滑手足溫者生脈澀四肢寒者死 上氣面浮腫肩息其脈大不可治加利必

死一作甚 上氣注液其脈虛靈伏匿者生堅強者死 寒氣上攻脈實而順滑則生實而逆澀則死太素云寒氣暴

上脈滿實何如曰實而滑則生實而逆則死其形盡滿何如曰舉形盡滿者脈急大堅尺滿而

不應如是者順則生逆則死何為順則生逆則死曰所謂順者手足溫也所謂逆者手足寒也 消渴脈數大者生細小浮短者死 消痺脈實大病久可治弦小堅急病久不可治 消渴脈沉小者生實堅大者死 水

病脈洪大者可治微細者不可治 水病脹閉其脈浮大軟者生沉細虛小者死 水病腹大如鼓脈實者生

虛者死 卒中惡吐血數升脈浮大疾快者生沉細數者死 卒中惡腹大四肢滿脈大而緩者生浮而緊者

死緊細而微者亦生 病瘡腰脊強急癱瘓者皆不可治 寒熱癩癘其脈代絕者死 金瘡血出太多其脈

虛細生實大者死 金瘡出血脈沉小者生浮大者死 斫瘡出血一二石脈來大者二十日死 斫刺俱有

多少血出不自止斷者脈止脈來大者七日死 從高頓仆內有血腹脹滿其脈堅強者生小弱者死 人為

百藥所中傷脈洪大而速脈經者生微細者死 人病甚而脈不調者難瘥 人病甚而脈洪者易瘥 人陰

陽俱結者見其上齒如熟小豆其脈躁者死結一作竭 人內外俱虛身體冷汗出微嘔煩擾手足厥逆體不得安

靜者死 脈實滿手足寒頭熱春秋生冬夏死 老人脈微陽羸陰強者生脈焮大加息者死 陰弱陽強脈

至而代期月而死 尺脈澀而堅為血實氣虛其病腹痛逆滿氣上行此為婦人胞中絕傷有惡血久成結瘕

得病以冬時黍稷赤而死 尺脈細而微者血氣俱不足細而有力者是穀氣不足病交節輒動粟葉生而死

此病秋時得之 左手寸口脈偏動乍大乍小不齊從寸口至關關至尺三部之位處處動搖各異不同其人

病在仲夏得之此脈桃花落而死花一作葉 右手寸口脈偏沉伏乍小乍大朝來浮大暮夜沉伏浮大即太過上

出魚際沉伏即下不至關中往來無常時時復來者榆葉一作菜落而死 右手尺部脈三十動一止有頃更還

二十動一止乍動乍疎不與息數相應其人雖食穀猶不愈藜草生而死 左手尺部脈四十動而一止止而



復來來逆如循直木如循張弓弦絀絀然如兩人共引一索者至立春而死

脈經作立冬死

### 診三部脈虛實訣死生第十六

凡三部脈大都欲等只如小人細人脈小軟小兒四五歲者脈呼吸八至細數百

千金翼云人大而脈細人細而脈大人樂而脈

實人苦而脈虛性急而脈緩性緩而脈躁人壯而脈細人羸而脈大此皆為逆逆則難治

反此為順順則易治凡婦人脈欲常濡弱於丈夫小兒四五歲者脈自快疾呼吸八至也

三部脈或至或不

至冷氣在胃中故令脈不通 三部脈虛其人長病得之死虛而澀長病亦死虛而滑亦死虛而緩亦死虛而

弦急癩病亦死 三部脈實而長病得之死實而滑長病得之生卒病得之死實而緩亦生實而緊亦生實

而緊急癩病可治 三部脈強非稱其人病便死 三部脈羸非稱其人病得之死 三部脈粗長病得之死

卒病得之生 三部脈細而軟長病得之生細而數亦生微而緊亦生 三部脈微而伏長病得之死 三部

脈軟長病得之不治自愈治之反死卒病得之生 三部脈浮而結長病得之死 三部脈芤長病得之生

三部脈弦而數長病得之生卒病得之死 三部脈革長病得之生卒病得之死 三部脈堅而數如銀釵股

蠱毒必死數而軟蠱毒病得之生 三部脈澀澀如羹上肥長病得之死卒病得之生 三部脈連連如蜘蛛

絲長病得之死卒病得之生 三部脈如露露長病得之生 三部脈如角弓長病得之死 三部脈累累如

貫珠長病得之死 三部脈如水淹然流長病不治自愈治之反死 三部脈如屋漏長病十四日死

脈經云十日死

三部脈如雀啄長病七日死 三部脈如釜中湯沸朝得暮死夜半得日中死日中得夜半死 三部脈急

切腹間病又婉轉腹痛鍼上下瘥

孫真人千金要方衍義卷二十八終

孫真人懣急千金要方卷二十九

長洲張 璐路玉衍義

南沙席 世臣鄧客校

鍼灸上

明堂三人圖第一

仰人十四門 伏人十門 側人六門

夫病源所起本於臟腑臟腑之脈並出手足循環腹背無所不至往來出沒難以測量將欲指取其穴非圖莫可預備之要非灸不精故曰湯藥攻其內鍼灸攻其外則病無所逃矣方知鍼灸之功過半於湯藥矣然去聖久遠學徒蒙昧孔穴出入莫測經源濟弱扶危臨事多惑余慨其不逮聊因暇隙鳩集今古名醫明堂以述鍼灸經一篇用補私闕庶依圖知穴接經識分則孔穴親疎居然可見矣舊明堂圖年代久遠傳寫錯誤不足指南今一依甄權等新撰為定云耳若依明堂正經人是七尺六寸四分之身今半之為圖人身長三尺八寸二分其孔竅相去亦皆半之以五分為寸其尺用夏家古尺司馬六尺為步即江淮吳越所用八寸小尺是也其十二經脈五色作之奇經八脈以綠色為之三人孔穴共六百五十穴圖之於後亦觀之便令了然仰人二百八十二穴背人一百九十四穴側人一百七十四穴名共三百四十九單穴四十八名雙穴三百一名

仰人明堂圖

十四門一百五十七穴內三十二穴單一百二十五穴雙

仰人頭面三十六穴遠近法第一

頭部中行上星在顛上直鼻中央入髮際一寸陷容豆 顛會在上星後一寸陷者中 前頂在顛會後一寸

半骨陷中 百會在前頂後一寸半頂心中 頭第二行五處在頭上去上星傍一寸半 承光在五處後一

寸不灸一本言一寸半 頭第三行臨泣在目上眥直上入髮際五分陷者中 目窗在臨泣後一寸 正營在目窗

後一寸 正面部中行神庭在髮際直鼻不刺 素窮在鼻柱端 水溝在鼻下人中 兌端在脣上端 斷

交在脣內齒上斷縫 承漿在頤前下脣之下 廉泉在頷下結喉上舌本 面部第二行曲差俠神庭傍一

寸半在髮際 攢竹在肩頭陷中 精明在目內眥外 巨窮俠鼻傍八分直瞳子 迎香在巨窮上一寸鼻

孔傍 禾窮直鼻孔下俠水溝傍五分 面部第三行陽白在肩上一寸直瞳子 承泣在目下七分直瞳子

不灸 四白在目下一寸 地倉俠口傍四分 大迎在曲頷前一寸二分骨陷中動脈 面部第四行本神

俠曲差傍一寸半在髮際一云直耳上入髮際四分 絲竹空在肩後陷中不灸 瞳子窮在目外去眥五分一名太陽一

名前關 面部第五行頭維在額角髮際本神傍一寸半不灸 額窮在面軌骨下廉陷中 上關在耳前

上廉起骨開口取之一名客主人 下關在客主人下耳前動脈下空下廉合口有空張口則閉 頰車在耳

下曲頰端陷者中

胸部中央直下七穴遠近法第二

天突在頸結喉下五寸宛宛中 璇機在天突下一寸陷中仰頭取之 華蓋在璇機下一寸陷中仰而取之

紫宮在華蓋下一寸六分陷中仰而取之 玉堂在紫宮下一寸六分陷中 竇中在玉堂下一寸六分橫直兩乳間 中庭在竇中下一寸六分陷中

胸部第二行六穴遠近法第三

俞府在巨骨下去旋機傍各二寸陷者中仰而取之 或中在俞府下一寸六分陷中仰臥取之 神藏在或中下一寸六分陷中仰臥取之 靈墟在神藏下一寸六分陷中仰臥取之墟或作墻 神封在靈墟下一寸六分 步郎在神封下一寸六分陷中仰而取之

胸部第三行五穴遠近法第四

氣戶在巨骨下俠俞府兩傍各二寸陷中仰而取之 庫房在氣戶下一寸六分陷中仰而取之 屋翳在庫房下一寸六分陷中仰而取之 膺窗在屋翳下一寸六分乳中禁灸刺 乳根在乳下一寸六分陷中仰而取之

胸部第四行六穴遠近法第五

雲門在巨骨下俠氣戶兩傍各二寸陷中動脈應手舉臂取之 中府在雲門下一寸又云一寸六分乳上三肋間動脈應手陷中 周榮在中府下一寸六分陷中仰而取之 胸鄉在周榮下一寸六分陷中仰而取之 天谿在胸鄉下一寸六分陷中仰而取之 食竇在天谿下一寸六分舉臂取之

腹中第一行十四穴遠近法第六

鳩尾在臆前蔽骨下五分不可灸刺 巨關在鳩尾下一寸 上腕在巨關下一寸去蔽骨三寸 中腕在上腕下一寸 建里在中腕下一寸 下腕在建里下一寸 水分在下腕下一寸臍上一寸 臍中禁刺 陰交在臍下一寸 氣海在臍下一寸半 石門在臍下二寸女子不灸 關元在臍下三寸 中極在臍下四寸 曲骨在橫骨之上中極下一寸毛際陷中

腹第二行十一穴遠近法第七

幽門在巨關傍半寸陷中 又心臟卷云俠巨關兩邊相去各一寸 通谷在幽門下一寸 陰都在通谷下一寸 石關在陰都

下一寸一名右關 商曲在石關下一寸一名高曲 育膪在商曲下一寸直臍傍各五分 中注在育膪下

五分 四滿在中注下一寸 肺藏卷云俠丹田 氣穴在四滿下一寸 婦人方上卷云在關元左邊二寸是右二寸名子戶 大赫在氣穴下一

寸 腎藏卷云在屈骨端三寸 橫骨在大赫下一寸 腎藏卷云名屈骨在陰上橫骨中央宛曲如却月中央是

腹第三行十二穴遠近法第八

不容在幽門傍各一寸五分去任脈二寸直四肋端相去四寸 承滿在不容下一寸 梁門在承滿下一寸

關門在梁門下一寸太一上 太一在關門下一寸 滑肉門在太一下一寸 天樞一名長谿去育膪一

寸半直臍傍二寸 脾藏卷云名長谷俠臍相去五寸一名循際 外陵在天樞下半寸大巨上 大巨在臍下一寸兩傍各二寸長

谿下二寸 水道在大巨下三寸 歸來在水道下二寸外臺作三寸 氣衝在歸來下一寸鼠蹊上一寸

腹第四行七穴遠近法第九

期門在第二肋端不容傍各一寸半上直兩乳 日月在期門下五分 腹哀在日月下一寸半 大橫在腹

哀下一寸直臍傍甲乙云三寸 腹結在大橫下一寸三分 府舍在腹結下三寸 衝門上去大橫五寸在府舍

下橫骨兩端約中

手太陰肺經十穴第十

少商在手大指端內側去爪甲角如韭葉 魚際在手大指本節後內側散脈中 大泉在手掌後陷者中

此即大淵也避唐祖名當時改正今存此名不改恐後人將為實是一穴 經渠在寸口陷者中不可灸 列缺在腕上一寸半手太陰絡別走陽

明 孔最在腕上七寸手太陰郄也 尺澤在肘中約上動脈 俠白在天府下去肘五寸動脈 天府在腋

下三寸不灸 臑會在臂前廉去肩頭三寸甲乙經云此穴在肩部外臺方屬大腸銅人經屬三焦

手厥陰心主經八穴第十一

中衝在手中指端去爪甲如韭葉陷者中 勞宮在掌中央動脈 大陵在掌後兩骨間 內關在掌後去腕

二寸以臺作五寸 手心主絡別走太陽 間使在掌後三寸兩筋間 郄門在掌後去腕五寸外臺云去內關五寸手厥陰郄也

曲澤在肘內廉下陷者中屈肘得之 天泉在腋下二寸舉腋取之



手少陰心經八穴第十二

少衝在手小指內廉之端去爪甲如韭葉 少府在手小指大節後陷者中直勞宮大節一作本節 神門在掌後兌骨端陷者中 陰郤在掌後動脈中去腕半寸手少陰郤也 通理在腕後一寸手少陰絡別走太陽 靈道在掌後一寸半 少海在肘內廉節後陷中 極泉在腋下筋間動脈入骨

足太陰脾經十一穴第十三

隱白在足大趾端內側去爪甲如韭葉 大都在足大趾內本節後陷中肝藏經云在足大趾本節內側白肉際 太白在足大

趾內側核骨下陷中 公孫在足大趾本節後一寸足太陰絡別走陽明 商邱在足內踝下微前陷中 三

陰交在內踝上八寸骨下陷中 漏谷在內踝上六寸骨下陷中太陰絡銅人經云亦名太陰絡 地機一名脾會

在膝下五寸足太陰郤也 陰陵泉在膝下內側髌骨下陷者中伸足得之 血海在膝臚上內廉白肉際二寸半

一作三寸 箕門在魚腹上筋間動應手陰市內

足陽明胃經十五穴第十四

厲兌在足大趾次趾之端去爪甲角如韭葉 內庭在足大趾趾外間 陷谷在足大趾次趾外間本節後去

內庭二寸 衝陽在足跗上五寸骨間去陷谷三寸二寸云 解谿在衝陽後一寸半 豐隆在外踝上八寸足

陽明絡別走太陰 下廉一名下巨虛在上廉下三寸 條口在下廉上一寸 三里在膝下三寸胫骨外

巨虛上廉在三里下三寸三里在膝下三寸胫骨外 犢鼻在膝臚下胛上俠解大筋中 陰市一名陰鼎在膝上三寸伏

兔中 伏兔在膝上六寸不灸 髀關在膝上伏兔後交分中 梁邱在膝上二寸兩筋間或云三寸 足陽明郄也

伏人明堂圖十門一百五穴內十六穴單八十九穴雙

伏人頭上第一行五穴遠近法第一

後頂在百會後一寸半 強間在後頂後一寸半 腦戶在枕骨上強間後一寸半不灸 風府在項後入髮

際一寸大筋內宛宛中不灸 瘖門在項後髮際宛宛中不灸

頭上第二行三穴遠近法第二

玉枕在腦却後七分半俠腦戶傍一寸三分起肉枕骨上入髮際三寸 腦郄在通天後一寸半 天柱俠項

後髮際大筋外廉陷者中

頭上第三行三穴遠近法第三

風池在顛顛後髮際陷中 承靈在正營後一寸半 腦空在承靈後一寸半俠玉枕傍枕骨下陷中一名顛

顛

伏人耳後六穴遠近法第四

顛息在耳後青脈間 癩脈在耳本雞足青脈不灸 完骨在耳後入髮際四分 竅陰在完骨上枕骨下

浮白在耳後入髮際一寸 翳風在耳後陷中按之引耳中

脊中第一行十一穴遠近法第五

大椎在第一椎上陷中 陶道在大椎下節間 身柱在第三椎下節間 神道在第五椎下節間 至陽在第七椎下節間 筋縮在第九椎下節間 脊中在第十一椎下節間不灸 懸樞在第十三椎下節間 命門在第十四椎下節間 腰脛在第二十一椎下節間 長強在脊骹端

脊中第二行二十一穴遠近法第六

大杼在項後第一椎下兩傍各一寸半陷中 風門一名熱府在第二椎下兩傍各一寸半 肺脛在第三椎下兩傍各一寸半對乳引繩度之 心脛在第五椎下兩傍各一寸半 膈脛在第七椎下兩傍各一寸半 肝脛在第九椎下兩傍各一寸半 一云在椎節中 臆脛在第十椎下兩傍各一寸半 脾脛在第十一椎下兩傍各一寸半 脾脛無定所隨四季月應病即灸臆脛是脾穴 胃脛在第十二椎下兩傍各一寸半 三臛脛在第十三椎下兩傍各一寸半 腎脛在第十四椎下兩傍各一寸半 大腸脛在第十六椎下兩傍各一寸半 小腸脛在第十八椎下兩傍各一寸半 膀胱脛在第十九椎下兩傍各一寸半 中膂脛在第二十椎下兩傍各一寸半 白環脛在第二十一椎下兩傍各一寸半 上窳在第一空腰髀下一寸俠脊兩傍 次窳在第二空俠脊陷中 中窳在第三空俠脊陷中 下窳在第四空俠脊陷中 會陽在陰尾骨兩傍

脊中第三行十三穴遠近法第七

附分在第二椎下附項內廉兩傍各三寸 魄戶在第三椎下兩傍各三寸 神堂在第五椎下兩傍各三寸

驪譚在肩膊內廉俠第六椎下兩傍各三寸 膈關在第七椎下兩傍各三寸 魂門在第九椎下兩傍各三寸

寸外臺作十椎下陽綱在第十椎下兩傍各三寸外臺作十一椎意舍在第十一椎下兩傍各三寸外臺作九椎下胃倉在第十

十二椎下兩傍各三寸 育門在第十三椎下兩傍各三寸 志室在第十四椎下兩傍各三寸 胞育在第十

十九椎下兩傍各三寸 秩邊在第二十一椎下兩傍各三寸

手少陽三焦經十七穴遠近法第八

關衝在手小指次指之端去爪甲角如韭葉 掖門在手小指次指間陷者中 中渚在小指次指本節後間

陷者中 陽池在手表腕上陷者中 外關在腕後二寸陷中手少陽絡別走心主 支溝在腕後三寸兩骨

間陷者中 會宗在腕後三寸空中手少陽郄也 三陽絡在臂上大交脈支溝上一寸不刺 四瀆在肘前

五寸外廉陷者中 天井在肘後外大骨後一寸兩筋間陷者中屈肘得之 清冷泉在肘上三寸伸肘舉臂

取之泉一作淵消灤在肩下臂外開腋斜肘分下行 天宗在秉風後大骨下陷者中外臺屬小腸經臑膈俠肩髃後

大骨下胛上廉陷下 肩外膺在肩胛上廉去脊三寸陷者中 肩中膺在肩胛內廉去脊二寸陷者中 曲

垣在肩中央曲胛陷者中按之應手痛

手太陽小腸經九穴遠近法第九

少澤在手小指端外側去爪甲一分陷中 前谷在手小指外側本節前陷中 後谿在手小指外側本節後

陷中 腕骨在手外側腕前起骨下陷中 陽谷在手外側腕中兌骨之下陷中 養老在手踝骨上一空在

後一寸陷中手太陽郄也 支正在腕後五寸太陽絡別走少陰 小海在肘內大骨外去肘端五分 肩貞

在肩曲胛下兩骨解間肩髃後陷中 外臺在三焦經

足太陽膀胱經十七穴遠近法第十

至陰在足小趾外側去爪甲角如韭葉 通谷在足小趾外側本節前陷中 束骨在足小趾外側本節後陷

中 京骨在足外側大骨下赤白肉際陷中 申脈陽蹻所生在外踝下陷中容爪甲 金門在足外踝下陷

中一名關梁足太陰郄也 僕參一名安耶在足跟骨下陷中 崑崙在足外踝後跟骨上陷中 承山一名

魚腹一名傷山一名肉柱在兌踠腸下分肉間陷者中 飛陽一名厥陽在外踝上七寸足太陽絡別走少陽

承筋一名踠腸一名直踠在脛後從腳跟上七寸踠中央陷中不刺 合陽在膝約中央下三寸 委中在

骨中央約文中動脈 委陽在足太陽之前少陽之後出於臑中外廉兩筋間扶承下六寸 浮郄在委陽上

一寸展足得之 扶承一名肉郄一名陰關一名皮部在尻臀下股陰下文中 一云尻臀下橫文中 殷門在肉郄下六寸

側人耳頸二十穴遠近法第一

領厭在曲周顛顛上廉 懸顛在曲周顛顛中 懸釐在曲周顛顛下廉 天衢在耳上如前三寸 率谷在

耳上入髮際一寸半 曲鬢在耳上髮際曲隅陷中 角孫在郭中間開口有空 和竅在耳前兌髮下動脈

耳門在耳前起肉當耳缺 聽會在耳前陷中張口得之 聽宮在耳中珠子大如赤小豆 天容在耳下

曲頰後 天牖在頸筋缺盆上天容後天柱前完骨下髮際上一寸 缺盆在肩上橫骨陷中 扶突在氣舍

後一寸半 天窻在曲頰下扶突後動應手陷中 天鼎在頸缺盆直扶突曲頰下一寸人迎後 人迎在頸

大脈應手俠結喉傍以候五臟氣不灸 水突在頸大筋前直人迎下氣舍上一本水突在曲頰下一寸近後 氣舍在頸直

人迎俠天突陷中

側脇十穴遠近法第二

章門一名長平在大橫文外直臍季肋端 京門在監骨腰中季肋本俠脊 帶脈在季肋下一寸八分 五

樞在帶脈下三寸一云在水道下一寸半 維道在章門下五寸三分 居髎在長平下八寸三分監骨上

泉腋在腋下三寸宛宛中舉臂得之中風卷云腋門在腋下攢毛中一名泉腋即淵腋是也 大包在泉腋下三寸 輒筋在腋下三寸

復前行一寸著脇 天他在乳後一寸腋下著肋直腋掖肋間

側人手陽明大腸經二十穴遠近法第三

商陽在手大指次指內側去爪甲角如菼葉 二間在手大指次指本節前內側陷者中 三間在手大指次指本節後內側陷者中 合谷在手大指次指歧骨間 陽谿在腕中上側兩筋間陷中 偏歷在腕後三寸 手陽明絡別走太陰 溫留在腕後小士五寸大士六寸手陽明郄也 下廉在輔骨下去上廉一寸 上廉在三里下一寸 三里在曲池下二寸按之肉起兌骨之端 曲池在肘後轉屈肘曲骨之中 肘竅在肘大骨外廉陷中 五里在肘上行向裏大脈中不刺 臂臑在肘上七寸脰肉端 肩竅在肩端臑上斜舉臂取之 秉風俠天竅外肩上髃後舉臂有空 肩井在肩上陷解中缺盆上大骨前 天竅在肩缺盆中上慈骨之際陷者中 肩髃在肩端兩骨間 脈極篇云在肩外頭近後以手按之有解宛宛中外臺名扁骨 巨骨在肩端上行兩叉骨間陷中

足少陽膽經十五穴遠近法第四

竅陰在足小趾次趾之端去爪甲如菼葉 前伏人門耳後穴亦名竅陰 俠谿在足小趾次趾歧間本節前 地五會在足

小趾次趾本節後不灸 臨泣在足小趾本節後間陷中去俠谿一寸半 邱墟在足外踝如前陷者中去臨

泣三寸 付陽在外踝上三寸太陽前少陽後筋骨間 懸鐘一名絕骨在外踝上三寸動中足三陽絡 陽

輔在外踝上輔骨前絕骨端三分去邱墟七寸 光明在足外踝上五寸足少陽絡別走厥陰 外邱在外踝

上七寸足少陽郄也少陽所生 陽交一名別陽一名足竅陽維郄在外踝上七寸邪屬三陽分肉間 一本云

寸 陽陵泉在膝下一寸外廉陷中 關陽在陽陵泉上三寸犢鼻外 一本云 中瀆在髀骨外膝上五寸分

肉間 環跳在髀樞中

足厥陰肝經十一穴遠近法第五

大敦在足大趾端去爪甲如韭葉及三毛中 行間在足大趾間動應手陷中 太衝在足大趾本節後二寸

或云一寸 半陷中 中封在足內踝前一寸仰足取之伸足乃得 蠡溝在足內踝上五寸足厥陰絡別走少陽 中

都 都在內踝上七寸胫骨中與少陰相值一名中都 膝關在犢鼻下三寸陷中足厥陰都也 甲乙銅人經云二寸甲乙又以中都

為厥陰都 曲泉在膝輔骨下大筋上小筋下陷中屈膝乃得 陰包在膝上四寸股內廉兩筋間 五里在陰廉

下二寸 陰廉在羊矢下去氣衝二寸動脈

足少陰腎經十一穴遠近法第六

涌泉一名地衝在足心陷中屈足捲趾宛宛中 肝臟卷云在脚心大趾下大筋 然谷一名龍泉在足內踝前起大骨下陷者

中婦人方上卷云在內內踝前直下一寸 大谿在足內踝後跟骨上動脈陷中 大鍾在足跟後衝中足少陰絡別走太陽 水

泉在大谿下一寸內踝下足少陰都也 照海陰躄脈所生在足內踝下 伏留一名昌陽一名伏白在足內

踝上二寸陷中 交信在內踝上二寸少陰前太陰後廉筋骨間 築賓在內踝上踞分中 陰谷在膝內輔

骨之後大筋之下小筋之上按之應手屈膝得之 會陰一名屏翳在大便前小便後兩陰間

已上三人圖共三百四十九穴



手三陰三陽穴流注法第二上

凡孔穴所出為井 所流為榮 所注為腧 所過為源 所行為經 所入為合

灸刺大法 春取榮 夏取腧 季夏取經 秋取合 冬取井

肺出少商為井 手太陰脈也 流於魚際為榮 注於大泉為腧 過於列缺為源 行於經渠為經 入於尺澤為合

心出於中衝為井 心包絡脈也 流於勞宮為榮 注於大陵為腧 過於內關為源 行於間使為經 入於曲澤為合

又心出於少衝為井 手少陰脈也 流於少府為榮 注於神門為腧 過於通里為源 行於靈道為經 入於少海

為合 大腸出於商陽為井 手陽明脈也 流於二間為榮 注於三間為腧 過於合谷為源 行於陽谿為經 入於

曲池為合 三焦出於關衝為井 手少陽脈也 流於腋門為榮 注於中渚為腧 過於陽池為源 行於支溝為經

入於天井為合 小腸出於少澤為井 手太陽脈也 流於前谷為榮 注於後谿為腧 過於腕骨為源 行於陽谷

為經 入於小海為合

足三陰三陽穴流注法第二下

胃出於厲兌為井 足陽明脈也 流於內庭為榮 注於陷谷為腧 過於衝陽為源 行於解谿為經 入於三里為合

膽出於竅陰為井 足少陽脈也 流於俠谿為榮 注於臨泣為腧 過於邱墟為源 行於陽輔為經 入於陽陵泉

為合 膀胱出於至陰為井 足太陽脈也 流於通谷為榮 注於束骨為腧 過於京骨為源 行於崑崙為經 入於

委中爲合 脾出於隱白爲井足太陰脈也流於大都爲榮注於太白爲膺過於公孫爲源行於商邱爲經入於陰陵泉爲合 肝出於大敦爲井足厥陰脈也流於行間爲榮注於太衝爲膺過於中封爲源行於中郤爲經入於曲泉爲合 腎出於涌泉爲井足少陰脈也流於然谷爲榮注於太谿爲膺過於水泉爲源行於伏留爲經入於陰谷爲合

### 鍼灸禁忌法第三

鍼禁忌法

大寒無刺

表問云天寒無刺天溫無疑

月生無瀉

月滿無補

月郭空無治

新內無刺

已刺無內

大

怒無刺

已刺無怒

大勞無刺

已刺無勞

大醉無刺

已刺無醉

大飽無刺

已刺無飽

大饑

無刺 已刺無饑

大渴無刺

已刺無渴

乘車來者臥以休息如食頃乃刺之

步行來者坐以休息

如行十里頃乃刺之

大驚大恐必定其氣乃刺之

刺中心一日死其動爲噫

刺中肺三日死其動爲

欬 刺中肝五日死其動爲語

刺中脾十五日死其動爲吞

刺中腎三日死其動爲噎

刺中膽一日

半死其動吐嘔

刺中膈爲傷中不過一歲死

刺跌上中大脈血出不止死

刺陰股中大脈血出不止

死 刺面中流脈不幸爲盲

刺客主人內陷中脈爲內漏爲聾

刺膝臏出液爲跛

刺頭中腦戶入腦

卽死

刺舌下中脈大過血出不止爲瘖

刺臂太陰脈出血多立死

刺足下布絡中脈血不出爲腫

刺足少陰脈重虛出血舌難以言

刺郄中大脈令人仆脫色

刺膺中陷中肺爲喘逆仰息

刺氣衝中

脈血不出為腫鼠鼯 刺肘中內陷氣歸之為不屈伸 刺脊間中髓為僂 刺陰股下三寸內陷令人遺

溺 刺乳上中乳房為腫根蝕 刺腋下脇間內陷令人欬 刺缺盆中內陷氣泄令人喘欬逆 刺小腹

中膀胱溺出令人小腹滿 刺手魚腹內陷為腫 刺膈腸內陷為腫 刺目眶上陷骨中脈為漏為盲

刺關節中液出不得屈伸 神庭禁不可刺 上關刺不可深 缺盆刺不可深 顛息刺不可多出血

臍中禁不可刺 左角刺不可久留 雲門刺不可深今雲門多忌不刺宜詳悉之 五里禁不可刺 伏兔禁不可刺

按甲乙經伏兔刺入五分 三陽絡禁不可刺 伏留刺無多見血 承筋禁不可刺 然谷刺無多見血 乳中禁不

可刺 鳩尾禁不可刺

灸禁忌法 頭維禁不可灸 承光禁不可灸 腦戶禁不可灸 風府禁不可灸 瘖門禁不可灸 陰市

禁不可灸 下關耳中有干適低無灸 耳門耳中有膿及適低無灸 人迎禁不可灸 陽關禁不可灸

絲竹空灸之不幸使人目小及盲 承泣禁不可灸 脊中禁不可灸 乳中禁不可灸 瘰脈禁不可灸

石門女子禁不可灸 白環脰禁不可灸 氣衝灸之不幸不得息 泉腋灸之不幸生膿蝕 天府禁

不可灸 經渠禁不可灸 伏兔禁不可灸 地五會禁不可灸 鳩尾禁不可灸

五臟六腑變化傍通訣第四

凡五臟六腑變化無窮散在諸經其事隱沒難得具知今纂集相附以為傍通令學者少留意推尋造次可見

矣

五臟 腎水一 心火二 肝木三 肺金四 脾土五

六腑 膀胱 小腸 膽 大腸 胃 三焦

五臟經 足少陰 手少陰 足厥陰 手太陰 足太陰

六腑經 足太陽 手太陽 足少陽 手陽明 足陽明 手少陽

五臟脈 沈濡 洪盛 弦長 浮短 緩大

五臟筋兩 一筋二兩又云一筋一兩 十二兩三毛七孔 四筋四兩左三葉右四葉 三筋三兩六葉 二筋三兩

六腑筋兩 九兩二銖 二筋十四兩 三兩三銖 二筋十二兩 二筋十四兩

六腑丈尺 縱廣七寸又云九寸 長二丈四尺廣二寸四分 三寸三分 一丈三尺廣六寸 大一尺五寸

六腑所受 九升二合又云九升九合 二斗四升 一合難經作三合 一斗二升 三斗五升

五臟官 後宮列女 帝王 上將軍又為郎官 大尙書又為將軍 諫議大夫

六腑官 水曹掾 監倉吏 將軍決曹吏 監倉掾 內齋吏

五臟腑 十四椎 五椎 九椎 三椎 十一椎

六腑腑 十九椎 十八椎 十椎 十六椎 十二椎 十三椎

附張路玉先生衍義

五臟募 京門 巨關 期門 中府 章門

六腑募 中極 關元 日月 天樞 中腕 石門

五臟脈出湧泉 中衝此心包絡經出少衝 大敦 少商 隱白 〇流甲乙作留 然谷 勞宮心經流少府 行間 魚際 大都

〇注 太谿 大陵心經注神門 太衝 大泉 太白 〇過 水泉 內關心經過通里 中封 列缺 公孫 〇行

伏留 間使心經行靈道 中郄 經渠 商邱 〇入 陰谷 曲澤心經入少海 曲泉 尺澤 陰陵泉

大腑脈出至陰 少澤 竅陰 商陽 厲兌 關衝此三焦經出入 〇流 通谷 前谷 俠谿 二間 內庭

腋門 〇注 束骨 後谿 臨泣 三間 陷谷 中渚 〇過 京骨 腕骨 邱墟 合谷 衝陽

陽池 〇行 崑崙 陽谷 陽谿 解谿 支溝 〇入 委中 小海 陽陵泉 曲池 三里

天井

五竅 耳二陰 舌口 目 鼻 脣

五養 骨精 血脈 筋 皮毛 氣 肉

五液 唾 汗 淚 涕 涎

五聲 呻噫 言 呼 哭 歌

六氣 咽 吹 呼 呵 噓 唏

五神 志精

神性又作脈神

血魂

氣魄

意智又作營意

五有餘病 脹滿 笑不止 怒 喘喝仰息 涇漫不利

五不足病 厥逆 憂一作悲 恐 息利少氣 四肢不用

六情 惡哀 怵慮一作惠好 好善一作直喜 威怒 樂愚 貪復 廉貞 陰賊 寬大 公正 姦邪

八性 欲忌 友愛 慈惠 氣正 公私怨

五常 智謀 禮哲 仁肅 義又 信聖

五事 聽聰 視明 貌恭 言從 思睿

五咎 急豫 狂僭 蒙

五音 吟咏 肆呼 諷唱 歌

五聲 羽四十 徵五十 角六十 商七十 宮八十  
八絲四絲四絲二絲一絲

五色 黑 赤 青 白 黃

五味 鹹 苦 酸 辛 甘

五臭 腐 焦 羶 腥 香

五宜子來扶母 酸 甘 苦 鹹 辛

五惡味之 甘 鹹 辛 苦 酸

五惡氣之 燥 熱 風 寒 濕

五數 一六 二七 三八 四九 五十

五行 水 火 木 金 土

五時 冬 夏 春 秋 季夏

五彩外應五行之形  
內法五臟之象 曲 兌 直 方 圓

五畜 豕外臺云  
豕鼠 羊外臺云  
蛇馬 雞外臺云  
虎兔 犬外臺云  
猴雞 牛外臺云  
羊犬牛

五穀 大豆 麥 麻 稻黃黍 稷

五菓 栗 杏 李 桃 棗

五菜 藿 薤 韭 葱 葵

論曰假令人腎心肝肺脾為臟則膀胱小腸膽大腸胃為腑足少陰為腎經足太陽為膀胱經下至五臟五菓

五菜皆爾觸類長之他皆倣此外臺續添二十三條本非  
千金之舊今更不附入

用鍼略例第五

夫用鍼刺者必明其孔穴補虛瀉實送堅付濡以急隨緩營衛常行勿失其理夫為鍼者不離乎心口如銜索

目欲內視消息氣血不得妄行鍼入一分知天地之氣鍼入二分知呼吸出入上下水火之氣鍼入三分知四

時五行五臟六腑逆順之氣鍼皮毛腠理者勿傷肌肉鍼肌肉者勿傷筋脈鍼筋脈者勿傷骨髓鍼骨髓者勿

傷諸絡 東方甲乙木主人肝膽筋膜魂 南方丙丁火主人心小腸血脈神 西方庚辛金主人肺大腸皮

毛魄 北方壬癸水主人腎膀胱骨髓精志 中央戊己土主人脾胃肌肉意智 鍼傷筋膜者令人愕視失

魂 傷血脈者令人煩亂失神 傷皮毛者令人上氣失魄 傷骨髓者令人呻吟失志 傷肌肉者令人四

肢不收失智 此為五亂因鍼所生若更失度者有死之憂也所謂鍼能殺生人不能起死人謂愚人妄鍼必

死不能起生人也 又須審候與死人同狀者不可為醫與亡國同政者不可為謀雖聖智神人不能活死人

存亾國也故曰危邦不入亂邦不居凡愚人貪利不曉於治亂存亡危身滅族彼此俱喪亡國破家亦醫之道

也 凡用鍼之法以補瀉為先呼吸應江漢補瀉較升斗經緯有法則陰陽不相干震為陽氣始於寅兌為陰

氣終於戌坎為太玄華冬至之日夜離為太陽精為中女欲補從卯南補不足地戶欲瀉從酉北於寅鍼入因

日明向寅鍼出隨月光從申向午午為如此思五行氣以調營衛用以將息之是曰隨身寶 凡用鋒鍼鍼者

除疾速也先補五呼刺入五分留十呼刺入一寸留二十呼隨師而將息之刺急者深內而久留之刺緩者淺

內而疾發鍼刺大者微出其血刺滑者疾發鍼淺內而久留之刺澀者必得其脈隨其逆順久留之疾出之壓

其穴勿出其血諸小弱者勿用大鍼然氣不足宜調以百藥餘三鍼者正中破癰堅瘤結息肉也亦治他疾也



火鍼亦用鋒鍼以油火燒之務在猛熱不熱卽於人有損也隔日一報三報之後當膿水大出爲佳 巨闕太倉上下腕此之一行有六穴忌火鍼也大癰塊當停鍼轉動須臾爲佳 每鍼常須看脈脈好乃下鍼脈惡勿亂下鍼也下鍼一宿發熱惡寒此爲中病勿怪之

### 灸例第六

凡孔穴在身皆是臟腑營衛血脈流通表裏往來各有所主臨時救難必在審詳人有老少體有長短膚有肥瘦皆須精思商量准而折之無得一槩致有差失其尺寸之法依古者八寸爲尺仍取病者男左女右手中指上第一節爲一寸亦有長短不定者卽取手大拇指第一節橫度爲一寸以意消息巧拙在人其言一夫者以四指爲一夫又以肌肉文理節解縫會宛陷之中及以手按之病者快然如此仔細安詳用心者乃能得之耳凡經云橫三間寸者則是三灸兩間一寸有三灸有三分三壯之處卽爲一寸黃帝曰灸不三分是謂徒寃炷務大也小弱炷乃小作之以意商量 凡點灸法皆須平直四體無使傾側灸時孔穴不正無益於事徒破好肉耳若坐點則坐灸之臥點則臥灸之立點則立灸之反此亦不得其穴矣 凡言壯數者若丁壯遇病病根深篤者可倍於方數其人老小羸弱者可復減半依扁鵲灸法有至五百壯千壯皆臨時消息之明堂本經云鍼入六分灸三壯更無餘論曹氏灸法有百壯者有五十壯者小品諸方亦皆有此仍須准病輕重以行之不可膠柱守株 凡新生小兒七日已上周年以還不過七壯炷如雀屎大 凡灸先陽後陰言從頭向左而漸

下次後從頭向右而漸下先上後下皆以日正午以後乃可下火灸之時謂陰氣未至灸無不著午前平旦穀氣虛令人癩眩不可鍼灸也慎之其大法如此卒急者不可用此例 灸之生熟法腰已上爲上部腰已下爲下部外爲陽部榮內爲陰部衛故臟腑周流名曰經絡是故丈夫四十已上氣在腰老嫗四十已上氣在乳是以丈夫先衰於下婦人先衰於上灸之生熟亦宜擗而節之法當隨病遷變大法外氣務生內氣務熟其餘隨宜耳頭者身之元首人神之所法氣口精明三百六十五絡皆上歸於頭頭者諸陽之會也故頭病必宜審之灸其穴不得亂灸過多傷神或使陽精立熟令陰魄再卒是以灸頭正得滿百脊背者是體之橫梁五臟之所繫著太陽之會合陰陽動發冷熱成疾灸太過熟大害人也臂脚手足者人之枝幹其神繫於五臟六腑隨血脈出能遠近採物臨深履薄養於諸經其地狹淺故灸宜少灸過多卽內神不得入精神閉塞舌滯不仁卽臂不舉故四肢之灸不宜太熟也然腹臟之內爲性貪於五味無厭成疾風寒結瘡水穀不消宜當熟之然大杼脊中腎膂膀胱八竅可至二百壯心手足太陰可至六七十壯三里太谿太衝陰陽三陵泉上下二廉可至百壯腹上下腕中腕太倉關元可至百壯若病重者皆當三報之乃愈病耳若治諸沉結寒冷病莫若灸之宜熟若治諸陰陽風者身熱脈大者以鋒鍼刺之間日一報之若治諸邪風鬼疰痛處少氣以毫鍼去之隨病輕重用之表鍼內藥隨時用之消息將之與天同心百年永安終無橫病此要略說之非賢勿傳秘之凡微數之脈慎不可灸傷血脈焦筋骨凡汗已後勿灸此爲大逆脈浮熱甚勿灸 頭面目咽灸之最欲生少手臂四肢

灸之欲須小熟亦不宜多胸背腹灸之尤宜大熟其腰脊欲須少生大體皆須以意商量臨時遷改應機千變萬化難以定准耳其溫病隨所著而灸之可百壯餘少至九十壯大杼胃腕可五十壯手心手足太陽可五十壯三里曲池太衝可百壯皆三報之乃可愈耳風勞沉重九部盡病及毒氣爲病者不過五十壯亦宜三報之若攻臟腑成心腹痛者亦宜百壯若卒暴病鬼魅所著者灸頭面四肢宜多腹背宜少其多不過五十其少不減三五七九壯凡陰陽濡風口喎僻者不過三十壯三日一報報如前微者三報重者九報此風氣濡微細入故宜緩火溫氣推排漸抽以除耳若卒暴催迫則流行細入成痼疾不可愈也故宜緩火凡諸虛疾水穀沉結流離者當灸腹背宜多不可過百壯大凡人有卒暴得風或中時氣凡百所苦皆須急灸療慎勿忽之停滯也若旺相者可得無他不爾漸入後皆難愈深宜知此一條凡人吳蜀地遊宦體上常須三兩處灸之勿令瘡暫癢則瘡癘溫瘡毒氣不能著人也故吳蜀多行灸法有阿是之法言人有病痛卽令捏其上若裏當其處不問孔穴卽得便快成痛處卽云阿是灸刺皆驗故曰阿是穴也

### 太醫鍼灸宜忌第七

論曰欲行鍼灸先知行年宜忌及人神所在不與禁忌相應卽可今具如下 木命人行年在木則不宜鍼及服青藥 火命人行年在火則不宜汗及服赤藥 土命人行年在土則不宜吐及服黃藥 金命人行年在水則不宜灸及服白藥 水命人行年在水則不宜下及服黑藥 凡醫者不知此法下手卽困若遇年命厄

推天醫血忌等月忌及日忌傍通法 月傍通(正)(二)(三)(四)(五)(六)(七)(八)(九)(十)(十一)

〔十二〕 天醫 卯寅丑子亥戌酉申未巳午辰呼師治病吉 血忌 丑未寅申卯酉辰戌巳亥午忌針灸

月厭 戌酉申未午巳辰卯寅丑子亥忌針灸 四激 戌戌戌丑丑丑辰辰未未未忌針灸 月殺

戌巳午未寅卯辰亥子丑申酉百事凶 月刑 巳子辰申午丑寅酉未亥卯戌不療病 六害 巳辰卯寅

丑子亥戌酉申未午不療病 右天醫上呼師避病吉若刑害上凶

推行年醫法 年至 〔子〕〔丑〕〔寅〕〔卯〕〔辰〕〔巳〕〔午〕〔未〕〔申〕〔酉〕〔戌〕〔亥〕 天醫 卯戌子未酉

亥辰寅巳午丑申

歲天醫法 常以傳送加太歲太乙下為天醫

月天醫法 陽月以大吉陰月以小吉加月建功曹下為鬼道傳送下為天醫

推避病法 以小吉加月建登明下為天醫可於此避病

推治病法 以月將加時天醫加病人年治之瘥

喚師法 未卯巳亥酉鬼所在喚師凶

推行年人神法

- 〔膻〕 〔心〕 〔肘〕 〔咽〕 〔口〕 〔頭〕 〔脊〕 〔膝〕 〔足〕

一	二	三	四	五	六	七	八	九	十
十一	十二	十三	十四	十五	十六	十七	十八	十九	二十
二十一	二十二	二十三	二十四	二十五	二十六	二十七	二十八	二十九	三十
三十一	三十二	三十三	三十四	三十五	三十六	三十七	三十八	三十九	四十
四十一	四十二	四十三	四十四	四十五	四十六	四十七	四十八	四十九	五十
五十一	五十二	五十三	五十四	五十五	五十六	五十七	五十八	五十九	六十
六十一	六十二	六十三	六十四	六十五	六十六	六十七	六十八	六十九	七十
七十一	七十二	七十三	七十四	七十五	七十六	七十七	七十八	七十九	八十
八十一	八十二	八十三	八十四	八十五	八十六	八十七	八十八	八十九	九十

右九部行神歲移一部周而復始不可鍼灸

推十二部人神所在法

〔心辰〕〔喉卯〕〔頭寅〕〔肩丑〕〔背子〕〔腰亥〕〔腹戌〕〔項酉〕〔足申〕〔膝未〕〔陰午〕〔股巳〕

一	二	三	四	五	六	七	八	九	十
十一	十二	十三	十四	十五	十六	十七	十八	十九	二十

二十一 二十二 二十三 二十四 二十五 二十六 二十七 二十八 二十九 三十  
 三十一 三十二 三十三 三十四 三十五 三十六 三十七 三十八 三十九 四十  
 四十一 四十二 四十三 四十四 四十五 四十六 四十七 四十八 四十九 五十  
 五十一 五十二 五十三 五十四 五十五 五十六 五十七 五十八 五十九 六十  
 六十一 六十二 六十三 六十四 六十五 六十六 六十七 六十八 六十九 七十  
 七十一 七十二 七十三 七十四 七十五 七十六 七十七 七十八 七十九 八十  
 八十一 八十二 八十三 八十四 八十五 八十六 八十七 八十八 八十九 九十  
 九十一 九十二 九十三 九十四 九十五 九十六 右十二部人神所在不可鍼灸及損傷慎之

日辰忌

一日足大趾 二日外踝 三日股內 四日腰 五日口舌咽喉齶 六日足小趾外臺云 手小指 七日內踝  
 八日足腕 九日尻 十日背腰 十一日鼻柱千金翼云及眉 十二日髮際 十三日牙齒 十四日胃脘  
 十五日偏身 十六日胸乳 十七日氣衝千金翼云及脇 十八日腹內 十九日足趺 二十日膝下 二十  
 一日手小指 二十二日伏兔 二十三日肝膈 二十四日手陽明兩脇 二十五日足陽明 二十六  
 日手足 二十七日膝 二十八日陰 二十九日膝脛顛顛 三十日關元下至足心外臺云 足趺上

十干一十二支人神忌日

申日頭 乙日項 丙日肩 丁日脇 戊日腹 己日背 庚日膝 辛日脾 壬日腎 癸日足 又云

甲乙日忌寅時頭 丙丁日忌髮時耳 戊己日忌午時髮 庚辛日忌申時 文 壬癸日忌酉時足 子

日目 丑日耳 寅日口 外臺云 卯日鼻 外臺云 辰日腰 巳日手 外臺云 午日心 未日足 外臺云

足 申日頭 外臺云 酉日背 外臺云 戌日項 外臺云 亥日頂 外臺云 建日申時頭 外臺云 除日酉時

膝 臺外 滿日戌時腹 平日亥時腰背 定日子時心 執日丑時手 破日寅時口 危日卯時鼻

成日辰時脣 收日巳時足 外臺云 開日午時耳 閉日未時目 ○右件時不得犯其處殺人

十二時忌

子時踝 丑時頭 寅時目 卯時面耳 外臺作項 辰時項口 外臺云 巳時肩 外臺云 午時胸脇 未時

腹 申時心 酉時背脾 外臺並翼云在膝 戌時腰陰 亥時股 又立春春分脾 立夏夏至肺 立秋秋分

肝 立冬冬至心 四季十八日腎

巳時並不得醫治凶

凡五臟旺時不得治及忌鍼灸其經絡凶

又正月丑 二月戌 三月未 四月辰 五月丑 六月戌 七月未 八月辰 九月丑 十月戌

十一月末 十二月辰 又春左脇 秋右脇 夏在臍 冬在腰背凶 又每月六日十五日十八日二

十二日二十四日小盡日療病令人長病 戊午 甲午 此二日大忌刺出血服藥針灸皆凶千金翼云不出月凶 甲辰 庚寅 乙

卯 丙辰 辛巳 此五日針灸凶 壬辰 甲辰 己巳 丙午 丁未 此五日男忌針灸 甲寅 乙卯 乙酉 乙巳

丁巳 此五日女忌針灸 甲子 壬子 甲午 丙辰 丁巳 辛卯 癸卯 乙亥 此八日忌針灸外臺云甲子日天子會壬子日百王

會甲午日太子會丁巳日王公會丙辰日諸侯會辛卯日大夫會癸卯日大人會乙亥日以上都會

男避除 女避破 男忌戊 女忌己

凡五辰 五酉 五未 及八節 先後各一日皆凶

論曰此等法散在諸部不可尋究故集作一處造次易知所以省披討也



孫真人備急千金要方衍義卷二十九終

孫真人備急千金要方卷三十

長洲張 璐路玉衍義  
南沙席 世臣郢客校

鍼灸下

孔穴主對法

論曰凡云孔穴主對者穴名在上病狀在下或一病有數十穴或數病共一穴皆臨時斟酌作法用之其有須鍼者卽鍼刺以補瀉之不宜鍼者直爾灸之然灸之大法但其孔穴與鍼無忌卽下白鍼若溫鍼訖乃灸之此爲良醫其脚氣一病最宜鍼而不灸灸而不鍼皆非良醫也鍼灸而藥藥不鍼灸亦非良醫也但恨下里間知鍼者鮮耳所以學者深須學用鍼燔鍼白鍼皆須妙解知鍼知藥固是良醫

頭面第一

頭痛 神庭 水溝 主寒熱頭痛喘渴目不可視 頭維 大陵 主頭痛如破目痛如脫 崑崙 解谿

曲泉 飛揚 前谷 少澤 通里 主頭眩痛 竅陰 強間 主頭痛如錐刺不可以動 腦戶 通

天 腦空 主頭重痛 消爍 主寒熱癩頭痛 攢竹 承光 腎膈 絲竹空 瘦脈 和窞 主風

頭痛 又云痰脈主 上星 主風頭眩顏清 又云上星主 顛會 主風頭眩頭痛顏清 天牖 風府

崑崙 關元 關衝 主風眩頭痛 合谷 五處 主風頭熱 前頂 後頂 頷厭 主風眩偏頭痛

玉枕 主頭半寒痛甲乙云頭眩目痛頭半寒 天柱 陶道 大杼一作本神 孔最 後谿 主頭痛 目窗 中渚

完骨 命門 豐隆 太白 外邱 通谷 京骨 臨泣 小海 承筋 陽陵泉 主頭痛寒熱汗出

不惡寒

項病 少澤 前谷 後谿 陽谷 完骨 小海 崑崙 攢竹 主項強急痛不可以顧 消爍 本神

通天 強間 風府 瘖門 天柱 風池 斷交 天衝 陶道 外邱 通谷 玉枕 主項如拔不

可左右顧 天容 前谷 角孫 腕骨 支正 主頸腫項痛不可顧又云天容主頸項癱不能言角孫主頸項柱滿 飛揚

涌泉 額厭 後頂 主頸項疼歷節汗出

面病 攢竹 斷交 玉枕 主面赤頰中痛 上星 顙會 前頂 腦戶 風池 主面赤腫 巨窞

主面惡風寒頰腫痛 天突 天窗 主面皮熱又云天窗主頰腫痛 腎膈 內關 主面皮赤 行間 主面蒼

黑 太衝 主面塵黑 中渚 主顛顛痛頰熱痛面赤 懸釐 主面皮赤痛

目病 大敦 主目不欲視太息 大都 主目眩 承泉 前頂 天柱 腦空 目窗 主目眩瞑 天

柱 陶道 崑崙 主目眩又目不明目如脫 腎膈 內關 心膈 復留 大泉 腕骨 中渚 攢

竹 精明 百會 委中 崑崙 天柱 本神 大杼 額厭 通谷 曲泉 後頂 胃膈 絲竹空

主目眩不明惡風寒 陽白 主目瞳子痛癢遠視眩暈昏夜無所見 掖門 前谷 後谿 腕骨

神庭 百會 天柱 風池 天牖 心膻 主目泣出又云天牖主目不明耳不聰 至陰 主目翳 後谿 主皆爛

有翳 邱墟 主視不精了目翳瞳子不見 前谷 京骨 主目中白翳又云京骨主目反白翳從內皆始 精明 斷

交 承泣 四白 風池 巨窞 上星 肝膻 瞳子窞 主目淚出多眵瞖內皆赤痛癢生白膚翳

照海 主目痛如見星 肝膻 主熱病瘥後食五辛多患眼闇如雀目 陽白 上星 本神 大都

曲泉 俠谿 三間 前谷 攢竹 玉枕 主目系急目上插 絲竹空 前項 主目上插憎風寒

承泣 主目瞶動與項口相引甲乙經云目不明淚出目眩瞽瞳子癢遠視眩流昏夜無見目瞶動與項口參相引喎僻口不能言 三間 前谷 主目急

痛 申脈 主目反上視若赤痛從內皆始 陽谿 陽谷 主目痛赤 曲泉 主目赤腫痛 陽谷 大

衝 崑崙 主目急痛赤腫又云大衝主下皆痛 束骨 主皆爛赤 掖門 主目澀暴變 顴窞 內關 主目

赤黃 三間 主目皆傷 商陽 巨窞 上關 承光 童子窞 絡郄 主青盲無所見 期門 主目

青而嘔 風池 腦戶 玉枕 風府 上星 主目痛不能視先取譙譙後取天牖風池 大泉 主目

中白睛青 俠谿 主外皆赤痛逆寒泣出目癢

鼻病 神庭 攢竹 迎香 風門 合谷 至陰 通谷 主鼻竅清涕出 曲差 上星 迎香 素窞

水溝 斷交 通天 禾窞 風府 主鼻窒喘息不利鼻喎僻多涕勳衄有瘡 水溝 天牖 主鼻不

收涕不知香臭甲乙云鼻衄不得息及衄不止 斷交 主鼻中息肉不利鼻頭額額中痛鼻中有蝕瘡 承靈 風池

風府 譙譙 後谿 主鼻衄窒喘息不通 腦空 竅陰 主鼻管恒發為癢鼻 風門 五處 主時

時嚏不已 肝膈 主鼻中酸 中腕 三間 偏歷 厲兌 承筋 京骨 崑崙 承山 飛揚 隱

白 主頭熱鼻衄又云中腕主鼻間焦臭 天柱 主不知香臭 復留 主涎出鼻孔中痛 京骨 申脈 主鼻

中衄血不止淋瀝 厲兌 京骨 前谷 主鼻中不利涕黃

耳病 上關 下關 四白 百會 顛息 翳風 耳門 頷厭 天窗 陽谿 衝關 掖門 中渚

主耳痛鳴聾 天容 聽會 聽宮 中渚 主聾嘈嘈若蟬鳴 天牖 四瀆 主暴聾 少商 主耳

前痛 曲池 主耳痛 外關 會宗 主耳渾渾瀉瀉聾無所聞 前谷 後谿 主耳鳴仍取偏歷大

陵 腕骨 陽谷 肩貞 竅陰 俠谿 主頷痛引耳嘈嘈耳鳴無所聞 商陽 主耳中風鳴刺入一

分留一呼灸三壯左取右右取左如食頃

口病 承泣 四白 巨窞 禾窞 上關 大迎 額骨 強間 風池 迎香 水溝 主口喎僻不能

言 頰車 額窞 主口僻痛惡風寒不可以嚼 外關 內庭 三里 大泉甲乙云口僻刺大淵引而下之 商邱

主僻噤 水溝 斷交 主口不能噤水漿喎僻 斷交 上關 大迎 翳風 主口噤不開引鼻中

合谷 水溝 主脣吻不收瘡不能言口噤不開 商邱 曲鬢 主口噤不開 地倉 大迎 主口緩

不收不能言 下關 大迎 翳風 主口失欠下牙齒痛 臈膺 商陽 小腸膺 主口舌乾食飲不下

勞宮 小澤 三間 大衝 主口熱口乾口中爛又云勞宮主大人小兒口中腫腥臭 曲澤 章門 主口乾 大谿

少澤 主咽中乾口中熱唾如膠 兌端 目窗 正營 耳門 主唇吻強上齒齲痛 光明 臨泣

主喜嚙頰 解谿 主口痛嚙舌 京骨 陽谷 主自嚙唇一作頰 陽陵泉 主口苦噤中介然

舌病 廉泉 然谷甲乙作通谷 陰谷主舌下腫難言舌癢涎出 風府 主舌緩瘖不能言舌急語難 扶突

大鍾 竅陰 主舌本出血 魚際 主舌上黃身熱 尺澤 主舌乾脇痛 關衝 主舌捲口乾心煩

悶 中衝 主舌本痛 支溝 天窗 扶突 曲鬢 靈道 主暴瘖不能言 天窗 主俠舌縫脈青

復留 主舌捲不能言

齒病 厲兌 三間 衝陽 偏歷 小海 合谷 內庭 復留 主齲齒 浮白 主牙齒痛不能言

人迎 顴竅 聽會 曲池 主齒痛惡寒 陽谷 正營 主上牙齒痛 陽谷 掖門 商陽 二間

四瀆 主下齒痛 角孫 頰車 主牙齒不能嚙 下關 大迎 翳風 完骨 主牙齒齲痛 曲鬢

衝陽 主齒齲

喉咽病 風府 天窗 勞宮 主喉噤間痛 扶突 天突 天谿 主喉鳴暴忤氣哽 少商 大衝

經渠 主喉中鳴 魚際 主喉中焦乾 水突 主喉咽腫 掖門 四瀆 主呼吸氣短咽中如息肉

狀 間使 主噤中如扼甲乙作行間 少衝 主酸咽 少府 蠡溝 主噤中有氣如息肉狀 中渚 支

溝 內庭 主噤痛 復留 照海 大衝 中封 主噤乾 前谷 照海 中封 主咽偏腫不可以  
噤 涌泉 大鍾 主咽中痛不可肉食 然谷 大谿 主噤內腫氣走咽喉不能言 風池 主咽喉  
僂引項鬢不收

喉痹病 完骨 天牖 前谷 主喉痹頸項腫不可仰頰腫引耳後 中府 陽交 主喉痹胸滿塞寒  
熱 天容 缺盆 大杼 膈腧 雲門 尺澤 二間 厲兌 涌泉 然谷 主喉痹哽咽寒熱 天  
鼎 氣舍 膈腧 主喉痹噎哽咽腫不得消食飲不下 天突 主喉痹咽乾急 大陵 偏歷 主喉  
痹噤乾 旋機 鳩尾 主喉痹咽腫水漿不下 三間 陽谷 主喉痹咽如哽 神門 合谷 風池  
主喉痹 三里 溫留 曲池 中渚 豐隆 主喉痹不能言 關衝 竅陰 少澤 主喉痹舌捲口  
乾

凡喉痹脇中暴逆先取衝脈後取三里雲門各瀉之又刺手小指端出血立已

### 心腹第二

胸脇病 通谷 章門 曲泉 膈腧 期門 食竇 陷谷 石門 主胸脇支滿 大杼 心腧 主胸  
中鬱鬱 本神 顛息 主胸脇相引不得傾側 肝腧 脾腧 志室 主兩脇急痛 腎腧 主兩脇  
引痛 神堂 主胸腹滿 三間 主胸滿腸鳴 陽谷 天容 主胸滿不得息 期門 缺盆 主胸

中熱息責脇下氣上 曲池 人迎 神道 章門 中府 臨泣 天池 旋機 府脛 主胸中滿

支溝 主脇腋急痛 腕骨 陽谷 主脇痛不得息 豐隆 邱墟 主胸痛如刺 竅陰 主脇痛欬

逆 臨泣 主季脇支痛胸痺不得息 陽輔 主胸脇痛 陽交 主胸滿腫 環跳 至陰 主胸脇

痛無常處腰脇相引急痛 太白 主胸脇脹切痛甲乙云腸鳴切痛 然骨 主胸中寒欬唾有血 大鍾 主

胸喘息脹 膽膺 章門 主脇痛不得臥胸滿嘔無所出 大包 主胸脇中痛 膻中 天井 主心

胸痛 膺窗 主胸脇癰腫 華蓋 紫宮 中庭 神藏 靈墟 胃脘 俠谿 少郎 商陽 上廉

三里 氣戶 周榮 上腕 勞宮 湧泉 陽陵泉 主胸脇柱滿 乳根 主胸下滿痛 雲門 中

府 隱白 期門 肺脘 魂門 大陵 主胸中痛又云雲門主胸中暴逆 鳩尾 主胸滿欬逆 巨闕 間使

主胸中澹澹又云間使主胸膈背相引 中腕 承滿 主脇下墜滿痛 梁門 主胸下積氣 大泉 主胸滿噉呼

胸膺痛 魚際 主痹走胸背不得息 關元 期門 少商 主脇下脹 經渠 邱墟 主胸背急胸

中彭彭 尺澤 少澤 主短氣脇痛心煩 少衝 主胸痛口熱

凡胸滿短氣不得汗皆鍼補手太陰以出汗

心病 支溝 大谿 然谷 主心痛如錐刺甚者手足寒至節不息者死又云然谷主心如懸少氣不足以息 大都 太白

主暴泄心痛腹脹心痛尤甚 臨泣 主胸痺心痛不得反側甲乙云不得息痛無常處 行間 主心痛色蒼蒼然如



死灰狀終日不得太息 通谷 巨闕 太倉 心膈 膻中 天府 郄門 曲澤 大陵 主心痛通  
里 主卒痛煩心中懊懣數欠頻呻心下悸而悲恐 期門 長強 天突 俠白 中衝 主心痛短  
氣 尺澤 主心痛彭彭然心煩悶亂少氣不足以息 腎膈 復留 大陵 雲門 主心痛如懸 章  
門 主心痛而嘔 建里 主心痛上搶心不欲食 少衝 主心痛而寒 大泉 主心痛肺脹胃氣上  
逆 鳩尾 主心寒脹滿不得食息賁唾血厥心痛善噦心疝太息 上脘 主心痛有三蟲多涎不得反  
側 中脘 主心痛難以俛仰甲乙云身寒心痛衝胃死不知人 不容 期門 主心切痛喜噫酸 育門 主心下大  
堅 靈道 主心痛悲恐相引振癢 間使 主心懸如饑 商邱 主心下有寒痛又主脾虛令人病不  
樂好太息

凡卒心痛汗出刺大敦出血立已

內關 主凡心實者則心中暴痛虛則心煩惕然不能動失智

腹痛 復留 中封 腎膈 承筋 陰包 承山 大敦 主小腹痛又云復留主腹厥 石門 商邱 主小腹堅

痛下引陰中 氣海 主小腹痛氣遊行五臟腹中切痛 關元 委中 照海 大谿 主小腹痛熱而偏

痛 膈膺 陰谷 主腹脹胃脘暴痛及腹積聚肌肉痛 高曲 主腹中積聚時切痛一名商曲 四滿 主

腹僻切痛 天樞 主腹中盡痛 外陵 主腹中盡疼 崑崙 主腹痛喘暴滿 氣衝 主身熱腹痛

腹結 主繞臍痛搶心 衝門 主寒氣滿腹中積疼淫澀 問使 主寒中少氣 噫白 主腹中寒冷

氣脹喘 鳩尾 主腹皮痛搔癢 中極 主腹中熱痛 水分 石門 主小腹中拘急痛 巨闕 上

腕 石門 陰蹻 主腹中滿暴痛汗出 行間 主腹痛而熱上柱心下滿 大谿 主腹中相引痛

涌泉 主風入腹中小腹痛 豐隆 主胸痛如刺腹若刃切痛

脹滿病 中極 主小腹積聚堅如石小腹滿 又云中極主寒中腹脹 通谷 主結積留飲癖囊胸滿飲食不消 膀胱

胱膈 主堅結積聚 上腕 主心下堅積聚冷脹 胃脘 三焦膈 主小腹積聚堅大如盤胃脹食飲

不消 三里 章門 京門 厲兌 內庭 陰谷 絡郄 崑崙 商邱 曲泉 陰陵泉 主腹脹滿

不得息 又云陰陵泉主腹中脹不嗜食脇下滿腹中盛水脹逆不得臥又云商邱主腹中滿嚮嚮然不便心中有寒痛 噫白 主腹脹逆息 又云主腹滿喜嘔 尺澤

主腹脹喘振慄 解谿 主腹大下重 又云解谿主厥氣上柱腹大 大鍾 主腹滿便難 肝膈 包育 主小腹滿

水道 主小腹脹滿痛引陰中 日月 大橫 主小腹熱欲走太息 委中 主小腹堅腫 關元 主

寒氣入腹 懸樞 主腹中積上下行 懸鍾 主腹滿 脾膈 大腸膈 主腹中氣脹引脊痛食飲

而身羸瘦名曰食晦先取肝膈後取季肋 陰市 主腹中滿痿厥少氣 邱墟 主大疝腹堅 京門

主寒熱腹脹 高曲 主腹中積聚 育膈 主大腹寒疝 甲乙云大腹寒中 天樞 主腹脹腸鳴氣上衝胸

氣衝 主腹中大熱不安腹有大氣暴脹滿癰淫澀 太衝 主羸瘦恐懼氣不足腹中悒悒 期門 主

腹大堅不得息脹痺滿小腹尤大 太陰郄 主腹滿積聚 大谿 主腹中脹腫 衝門 主寒氣腹滿  
腹中積聚疼痛 巨闕 上脘 主腹脹五臟脹心腹滿 中脘 主腹脹不通疰大便堅愛思損傷氣積  
聚腹中甚痛作膿腫往來上下 陰交 主五臟遊氣 三里 行間 曲泉 主腹臍滿 陷谷 主腹  
大滿喜噫 衝陽 主腹大不嗜食 五里 主心下脹滿而痛上氣 太白 公孫 主腹中脹食不化  
鼓脹腹中氣大滿 漏谷 主腸鳴強欠心悲氣逆腹臍滿急 蠱溝 主數噫恐悸氣不足腹中悒悒  
凡腹中熱喜渴涎出是蛔也以手聚而按之堅持勿令得移以大鍼刺中脘久持之中不動乃出鍼 凡腹滿  
痛不得息正仰臥屈一膝伸一脚並氣衝鍼入三寸氣至瀉之

陰都 主心滿氣逆腸鳴 陷谷 溫留 漏谷 復留 陽綱 主腸鳴而痛 上廉 主腸鳴相追逐

胃脘 主腹滿而鳴 章門 主腸鳴盈盈然 膺窗 主腸鳴泄注 太白 公孫 主腸鳴 臍中

主腸中常鳴上衝心 陰交 主腸鳴濯濯如有水聲

大小便病 豐隆 主大小便澀難 營衝四穴 主大小便不利 長強 小腸臛 主大小便難淋瘕

水道 主三焦約大小便不通 秩邊 包盲 主瘕閉下重大小便難 會陰 主陰中諸病前後相引

痛不得大小便 又云主小便難竅中熱 大腸臛 八竅 主大小便利 陽綱 主大便不節小便赤黃腸鳴泄注

屈骨端 主小便不利大便泄數并灸天樞 勞宮 主大便血不止尿赤 大谿 主尿黃大便難 中

竅 石門 承山 大衝 中腕 大鍾 大谿 承筋 主大便難又云大衝主淋不得尿陰上痛中腕主小腸有熱尿黃 崑崙

主不得大便 盲脬 主大便乾腹中切痛 石關 主大便閉塞氣結心堅滿 中注 浮郤 主小腹熱

大便堅 上廉 下廉 主小便難黃 少府 三里 主小便不利癢 腎脬 主小便難赤濁寒熱

橫骨 大巨 期門 主小腹滿小便難陰下縱 大敦 箕門 委中 委陽 主陰跳遺小便難 中

極 蠡溝 漏谷 承扶 至陰 主小便不利失精又云承扶主尻中腫大便直出陰胞有寒小便不利 陰陵泉 主心下滿寒

中小便不利 關元 主胞閉塞小便不通勞熱石淋又云主石淋臍下三十六疾不得小便并灸足太陽又云主傷中尿血 列缺 主小

便熱痛 京門 照海 主尿黃水道不通又云主噎飲水道不通溺黃 陰交 石門 委陽 主小腹墜痛引陰中

不得小便 大陵 主目赤小便如血 承漿 主小便赤黃或時不禁 完骨 小腸脬 白環脬 臍

臑脬 主小便赤黃 前谷 委中 主尿赤難 陰谷 主尿難陰痿不用 中封 行間 主振寒洩

白尿難而痛又云主癢閉莖中痛 關元 涌泉 主胞轉氣淋又主小便數 陰陵泉 關元 主寒熱不節腎病

不可以俛仰氣癢尿黃 氣衝 主腹中滿熱淋閉不得尿 曲泉 主癢閉陰痿 交信 主氣淋 然

谷 主癢疝 復留 主淋又云主血淋 懸鐘 主五淋 大敦 氣門 主五淋不得尿 通里 主遺溺

曲骨 主小腹痛血癢小便難 關元 中府 神門 主遺尿甲乙府中作委中 陰陵泉 陽陵泉 主失禁

遺尿不自知

凡尿青黃赤白黑 青取井 黃取膺 赤取榮 白取經 黑取合

泄痢病 京門 然谷 陰陵泉 主洞泄不化 交信 主泄痢赤白漏血 丹田 主泄痢不禁小便絞

痛 復留 主腸癖便膿血泄痢後重腹痛如瘞狀 脾膈 主泄痢不食食不生肌膚 小腸膈 主泄

痢膿血五色重下腫痛 關元 大谿 主泄痢不止 京門 崑崙 主洞泄體痛 天樞 主冬月重

感於寒則泄當臍痛腸胃間遊氣切痛 腹哀 主便膿血寒中食不化腹中痛 尺澤主嘔泄上下出兩

脇下痛 束骨 主腸澼泄 長強 主頭重洞泄 太白 主腹脹食不化喜嘔泄有膿血 地機 主

澹瘕腹中痛藏癪 陰陵泉 噤白 主胸中熱暴泄 太衝 曲泉 主澹泄痢注下血 腎膈 章門

主寒中洞泄不化 會陽 主腹中有寒泄注腸澼便血 三焦膈 小腸膈 下窮 意舍 章門 主

腸鳴顛脹欲泄注 中窮 主腹脹飧泄 大腸膈 主腸鳴腹臞腫暴泄

消渴病 承漿 意舍 關衝 然谷 主消渴嗜飲 又云意舍主消渴身熱面目黃 勞宮 主苦渴食不下 曲池 主

寒熱渴 噤白 主飲渴 行間 太衝 主噤乾喜渴 商邱 主煩中渴

水腫病 公孫 主頭面腫 水溝 主水腫人中滿 胃倉 主水腫顛脹食飲不下惡寒 章門 主身

潤石水身腫 屋翳 主身腫皮痛不可近衣 中府 間使 合谷 主面腹腫 陰交 石門 主水

脹水氣行皮中小腹皮敦敦然小便黃氣滿 關元 主小腹滿石水 四滿 然谷 主大腹石水 關

門 主身腫身重 天樞 豐隆 厲兌 陷谷 衝陽 主面浮腫又云豐隆主四肢腫身重 天府 主身脹逆息

不得臥風汗身腫喘息多唾 氣衝 主大氣石水 解谿 主風水面附腫顏黑 上廉 主風水膝腫

三里 主水腹脹皮腫 陽谷 列缺 主面目癰腫又云列缺主汗出四肢腫 臨泣 主腋下腫胸中滿 大敦

主大腹腫脹臍腹悒悒 天牖 主乳腫缺盆中腫 崑崙 主腰尻腫膈跟腫 邱墟 陽蹻 主腋下

腫寒熱頸腫 曲泉 主腹腫 復留 豐隆 主風逆四肢腫 陰谷 主寒熱腹偏腫 完骨 巨窞

主頭面氣肘腫 陽陵泉 主頭面腫

凡頭目癰腫留飲胸脇支溝刺陷谷出血立已

不能食病 豐隆 主不能食 石門 主不欲食穀入不化 天樞 厲兌 內庭 主食不化不嗜食俠

臍急 維道 主三焦有水氣不能食 中封 主身黃有微熱不嗜食 然谷 內庭 脾脘 主不嗜

食 胃脘 腎脘 主胃中寒脹食多身瘦羸又云胃脘主嘔吐筋 大腸脘 周榮 主食不下喜飲

陽綱 期門 少商 勞宮 主飲食不下 章門 主食飲不化入腹還出熱中不嗜食若吞而聞食臭

傷飽身黃酸疼羸瘦 中庭 中府 主膈寒食不下嘔吐還出 食竇 主膈中雷鳴察察隱隱常有水

聲 巨闕 主膈中不利 中極 主饑不能食 上脘 中脘 主寒中傷飽食飲不化

凡飲食不化入腹還出先取下脘後取三里瀉之 凡不嗜食刺然谷多見血使人立饑

嘔吐病 商邱 幽門 通谷 主喜嘔 又云商邱主脾虛令人病寒不樂好太息多寒熱喜嘔 愈府 靈墟 神藏 巨闕 主嘔

吐胸滿 率谷 主煩滿嘔吐 天容 主欬逆嘔沫 胃膈 腎膈 主嘔吐 曲澤 主逆氣嘔涎

少商 勞宮 主嘔吐 中庭 中府 主嘔逆吐食下還出 石門 主嘔吐 陽陵泉 主嘔宿汁心

下澹澹 維道 主嘔逆不止 大鍾 大谿 主煩心滿嘔 絕骨 主病熱欲嘔 噤白 主膈中嘔

吐不欲食 魂門 陽關 主嘔吐不止多涎 膈膈 主吐食又灸章門胃脘 巨闕 胸堂 主吐食

大敦 主噦噫又灸巨闕 內庭 主喜頻呻數欠惡聞人言

吐血病 上腕 不容 大陵 主嘔血 胸堂 脾膈 肝膈 肩膈 手心主 間使 胃脘 天樞

魚際 勞宮 大谿 主唾血吐血 郄門 主衄血吐血 手少陰郄 主吐血 委中 噤白 主衄

血劇不止 大泉 神門 主唾血振寒嘔血上氣 行間 主短氣嘔血胸背痛 大衝 主面唇色白

時時嘔血女子漏血 涌泉 主衄血不止 然谷 主欬唾有血

凡內損唾血不足外無膏澤地五會主之刺入三分特息灸 凡唾血瀉魚際補尺澤

欬逆上氣病 天容 廉泉 魄戶 氣舍 譙譙 扶突 主欬逆上氣喘息嘔沫齒噤 甲乙云陽氣大逆上滿於胸中憤積

肩息大氣逆上喘渴坐伏不得息取之天容上氣胸膈痛取之廉泉咳逆上氣魄戶及氣舍譙譙主之咽喉鳴喘息扶突主之唾沫天容主之 頭維 主喘逆煩滿嘔沫流汗

缺盆 心膈 肝膈 巨闕 鳩尾 主欬唾血 又云鳩尾主噫 缺盆 膻中 巨闕 主欬嗽 期門

右手屈臂中橫文外骨上 主欬逆上氣 又云期門主喘逆臥不安 肺咳脇下積聚 天府 主上氣喘不得息 然谷 天泉

陷谷 胸堂 章門 曲泉 天突 雲門 肺膻 臨泣 肩井 風門 行間 主欬逆 維道 主

欬逆不止 扶突 主欬逆上氣咽中鳴喘 魄戶 中府 主肺寒熱呼吸不得臥欬逆上氣嘔沫喘氣

相追逐 天池 主上氣喉鳴 大包 主大氣不得 肺膻 腎膻 主喘欬少氣百病 或中 石門

主欬逆上氣涎出多唾 天突 華蓋 主欬逆上氣喘暴 紫宮 玉堂 大谿 主欬逆上氣心煩

或中 雲門 主欬逆上氣涎出多唾呼吸喘悸坐不安席 俠白 主欬逆乾嘔煩滿 臈中 華蓋

主短氣不得息不能言 步郎 安都 主膈上不通呼吸少氣喘息 氣戶 雲門 天府 神門 主

喘逆上氣呼吸肩息不知食味 少海 主氣逆呼吸噫噦 庫房 中府 周榮 尺澤 主欬逆上

氣呼吸多唾濁沫膿血 又云中府主肺系急咳輒胸痛 肩膻 主上氣 經渠 行間 主喜欬 又云經渠主咳逆 大

陵 少商 主欬逆喘 又云大陵主咳逆寒熱發 勞宮 主氣逆噫不止 大泉 主欬逆胸滿喘不得息 三里

主欬嗽多唾 支溝 主欬面赤而熱 前谷 主欬而胸滿

凡欬嗽曲澤出血立已又卒欬逆逆氣 缺文 欬唾噫喜欬氣無所出先取三里後取太白章門

責豚氣病 章門 石門 陰谷 主責豚上氣 甲乙云責豚腹腫章門主之責豚氣上腹脹痛莖腫先引腰後引小腹腰臄小腹堅痛下引陰中不得小便兩丸塞石門

主之責豚氣上腹脹痛引陰中不得小便兩丸塞陰交主之 關元 主責豚寒氣入小腹 期門 主責豚上下 歸來 主責豚卵



上入引莖痛 中極 主賁豚上搶心甚則不得息 天樞 主賁豚脹疝甲乙云氣疝噉 然谷 主胸  
 中寒脈代時不至寸口小腹脹上搶心

四肢第三

手病 掖門 主手臂痛 巨闕 主手清 肩真 主手麻木不舉 陰交 主手脚拘攣 少商 主手

不仁 列缺 主手臂身熱 大陵 主手攣不伸又云主手掣小偏 間使 主手痛 內關 主手中風熱

曲澤 主手青逆氣 中衝 勞宮 少衝 大泉 經渠 列缺 主手掌熱肘中痛 前腋 主臂裏

攣急手不上舉 尺澤 主掣痛手不可伸 養老 主手不得上下 神門 少海 主手臂攣 內庭

主四厥手足悶 腕骨 中渚 主五指掣不可屈伸 曲池 主手不可舉重腕急肘中痛難屈伸又云

主手不能舉 陽谿 主臂腕外側痛不舉 心膻 肝膻 主筋急手相引

臂肘痛 尺澤 關衝 外關 靈陰 主臂不及頭 前谷 後谿 陽谿 主臂重痛肘攣 臑會 支

溝 曲池 腕骨 肘窠 主肘節痹臂痠重腋急痛肘難屈伸 中脘膻 臆謔 主腋攣 腕骨 前

谷 曲池 陽谷 主臂腕急腕外側痛脫如拔 天井 外關 曲池 主臂痠不仁 大泉 經渠

主臂內廉痛 間使 主肘內廉痛 巨骨 前谷 主臂不舉 肩窠 天宗 陽谷 主臂痛 曲池

關衝 三里 中渚 陽谷 尺澤 主肘痛時寒又云關衝主肘疼不能自帶衣 魚際 靈道 主肘攣柱滿 大陵

主肘擊腋腫 陽輔 申脈 委陽 天池 臨泣 地五會 主腋下腫

肩背病 氣舍 主肩腫不得顧 涌泉 主肩背頸項痛 曲池 天宗 主肩重痛不舉 腕骨 主肩

臂痛 天井 主肩痛痿痺不仁不可屈伸肉麻木 肩真 關衝 肩髃 主肩中熱頭不可以顧 巨

骨 主肩中痛不能動搖 後谿 主肩臑痛 支溝 關衝 主肩臂痠重 天宗 主肩重臂痛 陽

谷 清冷泉 主肩不舉不能帶衣 肩外腧 主肩脾痛而寒至肘 曲垣 主肩脾周痺 養老 天

柱 主肩痛欲折 天牖 缺盆 神道 大杼 天突 水道 巨骨 主肩背痛 前腋 主肩腋前

痛與胸相引 膈腧 譙譙 京門 尺澤 主肩背寒煙肩脾內廉痛 列缺 主肩背寒慄少氣不足

以息寒厥交兩手而脅

凡實則肩背熱背汗出四肢暴腫虛則肩背寒慄氣不足以息

腰脊病 神道 谷中 腰腧 長強 大杼 膈關 水分 脾腧 小腸腧 膀胱腧 主腰脊急強

腰腧 膀胱腧 長強 氣衝 上窮 下窮 居膠 主腰痛 志室 京門 主腰痛脊急 小腸腧

中腧腧 白環腧 主腰脊痠痛 次窮 胞肓 承筋 主腰痛惡寒 又云次窮主腰下至足不仁 三里 陰市

陽輔 蠡溝 主腰痛不可以顧 又云陽輔主腰痛如折尻中腫痛不可咳則筋縮急諸節痛上下無常寒熱 束骨 飛揚 承筋 主腰痛

如折 申脈 大衝 陽躄 主腰痛不能舉 崑崙 主脊強背尻骨重 陰谷 主脊內廉痛 委中

主腰痛俠脊至頭凡凡然凡腰脚重痛於此刺出血久痛宿疹皆立已 大鍾 主腰脊痛 附骨 主背

痛引頭 合陽 主腰脊痛引腹 委陽 殷門 主腰痛得俯不得仰 太白 行間 陰陵泉 主腰

痛不可俛仰 扶承 主腰脊尻臀股陰寒痛 涌泉 主腰脊相引如解甲乙云主腰痛大便難 膈關 秩邊

京骨 主背惡寒痛脊強難以俛仰 京門 石關 主脊痠反折甲乙云京門主腰痛不可久立

脚病 崑崙 主脚如結踝如別 陰陵泉 主足痹痛 京骨 承山 承筋 商邱 主脚攣又云承山承筋主脚

脛痠脚急跟痛脚筋急痛兢兢 浮白 主足緩不收 天柱 行間 主足不任身又云行間主厥足下熱 然谷 主足不能安

脛痠不能久立 中都 主足下熱脛寒不能久立濕痹不能行 衝陽 三里 飛揚 復留 完骨

僕參 主足痿失履不收又云僕參主足跟中蹠後痛飛揚主肱中痛復留主脛寒不能自溫主脚後廉急不可前脚足跗上痛 京骨 然谷 腎膈 主

足痛 大谿 次谿 膀胱膈 主足清不仁又云大谿主手足寒至節 地倉 大泉 主足蹠不能行 光明

主痿躄坐不能起 風府 腰膈 主足不仁 條口 三里 承山 承筋 主足下熱不能久立 邱

墟 主腕不收坐不得起髀樞脚痛 陽輔 陽交 陽陵泉 主髀樞膝骨痹不仁 環跳 束骨 交

信 陰交 陰舍 主髀樞中痛不可舉 臨泣 三陰交 主髀中痛不得行足外皮膚痛 申脈 隱白

行間 主脛中寒熱 大衝 湧泉 主脛痠 附陽 主肱外廉骨痛 至陰 主風寒從足小指起脈

痹上下 至陽 主脛痠四肢重少氣難言 厲兌 條口 三陰交 主脛寒不得臥 內庭 環跳

主脛痛不可屈伸 陽間 環跳 承筋 主脛痺不仁 涌泉 然谷 主五趾盡痛足不踐地  
凡髀樞中痛不可舉以毫鍼寒而留之以月生死爲息數立已

膝病 風市 主兩膝攣痛引脇拘急驛臂或青或枯或齧如腐木 大衝 主膝內踝前痛 中封 主少

氣身重濕膝腫內踝前痛 梁邱 曲泉 陽關 主筋攣膝不得屈伸不可以行 犢鼻 主膝中痛不

仁又云主膝不仁難跪 解谿 條口 邱墟 大白 主膝股腫胛痠轉筋 合陽 主膝股重 上廉 主風水

膝腫 陰市 主膝中寒 伏兔 主膝中寒 俠谿 陽關 主膝外廉痛 髀關 主膝寒不仁痿痺

不得屈伸 光明 主膝痛脛熱不能行手足偏小 膝關 主膝內廉痛引臄不可屈伸連腹引咽喉痛

凡犢鼻腫可灸不可刺若其上堅勿攻攻之卽死

四肢病 章門 主四肢懈惰喜怒 列缺 主四肢厥喜笑 曲泉 付陽 天池 支溝 大巨 小海

絕骨 前谷 主四肢不舉 照海 主四肢淫灤 五里 三間 天井 厲兌 三陽絡 主嗜臥四

肢不欲動搖 復留 豐隆 大都 主風逆四肢腫

風病 率谷 主醉酒風熱發兩目眩痛甲乙云不能飲 食煩滿嘔吐 完骨 主風頭耳後痛煩心甲乙云主足不收失履口喎僻頭項強梗

痛牙車急 天柱 主風眩 絕骨 主風勞身重 天府 曲池 列缺 百會 主惡風邪氣泣出喜忘

陽谷 主風眩驚手捲泄風汗出腰項急甲乙手捲作手腕痛 陰踰 主風暴不知人偏枯不能行 解谿 主風

從頭至足面目赤 崑崙 主狂易大風 臨泣 主大風目痛甲乙云目外皆痛 付陽 主痿厥風頭重痛

涌泉 主風入腹中 巨闕 照海 主癱瘓引膈腹短氣又云照海主大風默默不知所痛視如見星 間使 主頭身風熱

商陽 主耳中風生 關衝 主面黑渴風 天井 神道 心膈 主悲愁恍惚悲傷不樂又云天井主大風默默不

知所痛悲 命門 主癱瘓裏急腰腹相引 上關 主癱瘓沫出寒熱瘧引骨痛 後谿 主風身寒

掖門 主風寒熱 長強 腎膈 中膈膈 主寒熱反折 脾膈 膀胱膈 主熱瘧引骨痛 肝膈

主筋寒熱瘧筋急手相引 通里 主不能言 魚際 主瘧上失氣失瘡不能言

濕痺病 曲池 列缺 主身濕淫時時寒 風市 主緩縱痿痺膈腸疼冷不仁 中瀆 主寒氣在肉分

間痛苦痺不仁 陽關 主膝外廉痛不可屈伸脛痺不仁 懸鐘 主濕痺流腫脾筋急癢脛痛 曲泉

主卒痺病引膝下節 豐隆 主身濕 陽陵泉 主髀痺引膝股外廉痛不仁筋急 絕骨 主髀樞痛

膝脛骨搖痿痺不仁筋縮諸節痿折 漏谷 主久濕痺不能行 商邱 主骨痺煩滿 臨泣 主身痺

洗漸振寒 中封 主痿厥身體不仁少氣身濕重

凡身體不仁先取京骨後取中封絕骨皆瀉之

癩病 偏歷 神庭 攢竹 本神 聽宮 上星 百會 聽會 築賓 陽谿 後頂 強間 腦戶

絡鄰 玉枕 主癩疾嘔逆又云偏歷主癩疾多言耳鳴口僻 攢竹 小海 後項 強間 主癩發癱癡狂走不得臥

心中煩 金門 僕參 主癩疾馬癩 兌端 斷交 承聚 大迎 絲竹空 窗會 天柱 商邱

主癩疾嘔沫寒熱瘧互引又云承漿大迎主寒熱捷厥鼓頤瘧口噤天柱主卒暴癩眩商邱主癩瘧 通谷 絲竹空 主風癩癩疾涎沫狂煩

滿又云通谷主心中憤憤數欠癩癩心下悸心中澹澹恐 解谿 陽蹻 主癩疾 上關 主癩瘧沫出寒熱瘧 腦戶 聽會

聽宮 翳風 風府 主骨痠眩狂癩瘧口噤喉鳴沫出瘡不能言 臑會 申脈 主癩疾膝氣 五處

身柱 委中 委陽 崑崙 主脊強反折癩瘧癩疾頭痛又云身柱主癩疾癩瘧怒欲殺人身熱強走妄言見鬼崑崙主癩瘧口閉不得開

尺澤 然谷 主癩疾手臂不得上頭 曲池 少澤 主癩瘧癩疾 列缺 主熱癩驚而有所見 後

谿 主泣出而驚 飛揚 太乙 滑肉門 主癩疾狂吐舌 長強 主癩疾發如狂面皮敦敦者不治

溫留 僕參 主癩疾吐舌鼓頤筋縮狂言見鬼 曲骨 陰谷 行間 主驚癩狂疾癩疾 間使

主善悲驚狂面赤目黃瘡不能言 陽谿 天井 主驚瘧 完骨 主癩疾僵仆狂瘧 天井 小海

主癩疾羊癩吐舌羊鳴戾頸 懸釐 束骨 主癩疾互引善驚羊鳴 陽谿 陽谷 主吐舌戾頸妄言

天衝 主頭痛癩疾互引數驚悸 風池 聽會 復留 主寒熱癩仆 風府 崑崙 束骨 主狂

易多言不休 天柱 臨泣 主狂易多言不休目上反 腦空 束骨 主癩疾大瘦頭痛 風府 肺

膺 主狂走欲自殺 略邾 聽會 身柱 主狂走瘧 支正 魚際 合谷 曲池 少海 腕骨

主狂言驚恐 下廉 邱墟 主狂言非常 溫留 掖門 京骨 主狂仆又云掖門主喜驚妄言面赤 神門 陽

谷 主笑若狂

又云神門主數 噫恐悸不足

巨闕

築賓

主狂易妄言怒罵

又云巨闕主 驚悸少氣

衝陽

豐隆

主狂妄

行登高而歌棄衣而走 勞宮

大陵

主風熱善怒心中悲喜思慕獻歙喜笑不止 曲澤 大陵甲乙作內

關 主心中澹澹喜驚 陰交

氣海

大巨

主驚不得臥

又云大巨 主喜驚

陰驕

主臥驚視如見鬼 解

谿 主癩癢而驚 大鍾

郄門

主驚恐畏人神氣不足

然谷

陽陵泉 主心中恍惚恐如人將捕

之狀 少衝 主太息煩滿少氣悲驚

腕骨

主煩滿驚

少府

主數噫恐悸氣不足 通里 主心

下悸 行間 主心動數驚心悲不樂

三間

合谷

厲兌

主吐舌戾頸喜驚

又云厲兌主 多臥好驚

陰郄

手少陰主氣驚心痛

卒尸厥病

噤口

大敦

主卒尸厥不知人脈動如故

中極

僕參

主恍惚尸厥煩痛

金門

主尸

厥暴死

內庭

主四厥手足悶者久持之厥熱腦痛腹脹皮痛者使人久持之

邪客於手足少陰太陰

足陽明之絡此五絡者皆會於耳中上絡左角五絡俱竭令人身脈動如故其形無所知其狀若尸刺足大

趾內側爪甲上去端如韭葉後刺足心後刺足中趾爪甲上各一疔後取手大指內去爪甲如韭葉後刺取

心主少陰兌骨之端各一疔立已不已以筒吹其兩耳立已不已拔其左角髮方寸燔之飲以醇酒一杯不

能飲者灌之立已

卒中惡飛尸

百會

玉枕

主卒起僂仆惡見風寒

通天

絡郄

主暫起僂仆

大杼

主僂仆不能

久立煩滿裏急身不安席 天府 主卒中惡風邪氣飛尸惡注鬼語遁尸 豐隆 主厥逆足卒青痛如刺腹若刀切之狀大便難煩心狂見鬼好笑面四肢卒腫 帝廷在腋下四肋間與乳相當乳後二寸陷中俗名注市舉掖取之刺入五分灸五十壯主卒中惡飛尸遁注胸脇滿 九曲中府在注市下三寸刺入五分灸三十壯主惡風邪氣遁尸內有瘀血

熱病第五

熱病 魚際 陽谷 主熱病振慄鼓頷腹滿陰痿色不變 經渠 陽池 合谷 支溝 前谷 內庭

後谿 腕骨 陽谷 厲兌 衝陽 解谿 主熱病汗不出 孔最 主臂厥熱痛汗不出皆灸刺之此

穴可以出汗 列缺 曲池 主熱病煩心心悶先手臂身熱瘦癭唇口聚鼻張目下汗出如珠甲乙云兩乳下一寸

堅脇下 瀦心悸 中衝 勞宮 大陵 間使 關衝 少衝 陽谿 天竅 主熱病煩心心悶而汗不出掌中

熱心痛身熱如火浸淫煩滿舌本痛又云間使主熱病煩心喜 勞宮 主熱病三日已後不得汗忱惕甲乙

云勞宮主熱病煩滿而欲嘔噦三日已往不得汗忱惕胸脇不可轉側咳滿溺赤小便血衄不止嘔吐血噫逆不止噎中痛食不下喜渴舌中爛掌中熱欲嘔 二間 主氣熱身熱而喘

甲乙云寒熱口乾身熱喘息目急痛善驚 曲澤 主傷寒溫病身熱煩心口乾甲乙云主傷寒溫病心澹然善驚身熱煩心口

曲池 主傷寒餘熱不盡 掖門 中渚 通里 主熱病先不樂頭痛面熱無汗又云通里主熱病先不樂數日 上

腕 上星 上竅 曲差 陶道 天柱 懸釐 風池 命門 睛眈脰 主煩滿汗不出 飛揚 主



下部寒熱汗不出體重 陶道 主汗不出悽厥惡寒 曲泉 主身熱頭痛汗不出 光明 主腹足清

寒熱汗不出 五處 攢竹 正營 上脘 缺盆 中府 主汗出寒熱 承漿 主汗出衄血不止

溫留 主傷寒寒熱頭痛噦衄肩不舉 百會 主汗出而嘔瘧 巨闕 主煩心喜嘔甲乙云巨闕主心腹脹噦煩熱善嘔

病中不通利 商邱 主寒熱好嘔 大椎 主傷寒熱甚煩嘔 列缺 主寒熱掌中熱 懸顛 主熱病頭

痛身熱 少澤 主振寒小指不用頭痛 神道 關元 主身熱頭痛進退往來 三焦腧 主頭痛食

不下 天井 主振寒頸項痛 魚際 主頭痛不甚汗出 玉枕 大杼 肝腧 心腧 膈腧 陶道

主汗不出悽厥惡寒 懸釐 鳩尾 主熱病偏頭痛引目外眦 膈腧 中府 主寒熱皮肉骨痛少氣

不得臥支滿又云膈膈主嗜臥怠惰不欲動搖身常濕不能食 後谿 主身熱惡寒 腎腧 主頭身熱赤振慄腰中四肢淫灑

欲嘔 肩井 關元 主寒熱悽索氣上不得臥 尺澤 主氣隔喜嘔鼓頷不得汗身痛煩心 肩貞 主

寒熱項歷適甲乙云主耳鳴無聞引俠益肩中熱痛麻木不舉 委中 主熱病俠脊痛 衝陽 主振寒而欠 大都 主熱病

汗出且厥足清外臺云汗不出厥手足清 太白 主熱病先頭痛顏痛心煩悶身熱熱爭則腰痛不可以俛仰又熱病

煩滿悶不得臥身重骨痛 支正 少海 主熱病先腰脛酸喜渴數飲食身熱項痛而強振寒寒熱甲乙

振寒寒熱頸項腫實則肘擊頭眩痛虛則生疔小者痂疥 復留 主寒熱不安汗出不止風逆四肢腫 凡熱病先腰脛酸喜渴數飲身清

凡熱病煩心足寒清多汗先取然谷後取太谿大指間動脈皆先補之 凡熱病先腰脛酸喜渴數飲身清

清則項痛而寒且酸足熱不欲言頭痛顛顛然先取涌泉及太陽并榮熱中少氣厥寒灸之熱去灸涌泉一壯煩心不嗜食灸涌泉熱去四逆喘氣偏風身汗而清皆取俠谿 凡熱病刺陷谷足先寒寒上至膝乃出針身痹洗浙振寒季脇支滿痛 凡溫病身熱五日已上汗不出刺大泉留針一時取針若未滿五日者禁不可刺 凡好太息不嗜食多寒熱汗出病至則喜嘔嘔已乃衰即取公孫及并腧實則腸中切痛厥頭面腫起煩心狂多飲不嗜臥虛則鼓脹腹中氣大滿熱痛不嗜食霍亂公孫主之

黃瘧病 然谷 主黃瘧一足寒一足熱喜渴 甲乙云舌縱煩滿 章門 主傷飽身黃 大衝 主黃瘧熱中喜渴

中封 五里 主身黃時有微熱 甲乙云主不嗜食膝內廉內踝前痛少氣身體重 脊中 主黃瘧腹滿不食 中腕 大陵

主目黃振寒 勞宮 主黃瘧目黃 大谿 主黃瘧 甲乙云止消瘧喘氣咽不能言手足清大便難隘中腫痛唾血口中熱唾如膠 脾腧 胃

腕 主黃瘧 又云脾腧主黃瘧喜欠不食脇下滿欲吐身重不欲動

霍亂 巨闕 關衝 支溝 公孫 陰陵泉 主霍亂 期門 主霍亂泄注 魚際 主胃逆霍亂 太

陰 大都 金門 僕參 主厥逆霍亂 太白 主霍亂逆冷 解谿 主膝重脚轉筋濕痹 三里

主霍亂遺矢失氣 承筋 主癱瘓脚痠 甲乙云主霍亂脛不仁 太泉 主眼青轉筋乍寒乍熱缺盆中相引痛

金門 僕參 承山 承筋 主轉筋霍亂 邱墟 主脚急腫痛戰掉不能久立跗筋脚掣 窻陰 主

四肢轉筋 委中 委陽 主筋急身熱 人迎 主霍亂頭痛胸滿呼吸喘鳴不得息

凡霍亂泄出不知先取大谿後取太倉之原

瘧病 列缺 後谿 少澤 前谷 主瘧寒熱又云列缺主瘧熱甚 陽谷 主瘧脇痛不得息 大鍾 主多寒少

熱 大谿 主熱多寒少甲乙云大谿主瘧悶嘔甚熱多寒少欲閉戶而處寒厥足熱 邱墟 主瘧振寒甲乙云主腋下腫 崑崙 主瘧多

汗甲乙云主腰痛不能俯仰目如脫項如拔 然谷 主溫瘧汗出 中封 主色蒼蒼然太息 天府 主瘧病 臨泣 主

瘧日西發 天樞 主瘧振寒熱盛狂言 少商 主振慄鼓頷 少海 主瘧背振寒甲乙云主瘧項痛引肘腋腰痛引小

腹中四肢不舉 陽谿 主瘧甚苦寒欬嘔沫 溫留 主瘧面赤腫 商邱 神庭 上星 百會 完骨 風

池 神道 掖門 前谷 光明 至陰 大杼 主欬瘧熱又云商邱主寒瘧腹中痛 陰都 少海 商陽 三間

中渚 主身熱瘧病 大泉 大谿 經渠 主瘧欬逆心悶不得臥寒熱 大陵 腕骨 陽谷 少衝

主瘧乍寒乍熱 合谷 陽池 俠谿 京骨 主瘧寒熱 偏歷 主風瘧汗不出 譙謔 支正 少

海 主風瘧 天井 主瘧食時發心痛悲傷不樂 三里 陷谷 俠谿 飛揚 主欬瘧少氣又云俠谿主瘧

足痛飛揚主狂瘧頭眩痛瘧反折 少澤 復留 崑崙 主瘧寒汗不出 厲兌 內庭 主瘧不嗜食惡寒 衝陽

束骨 主瘧從脚脗起

瘧瘧第六

瘧瘧病 天府 臑會 氣舍 主瘧瘧氣咽腫甲乙云天臑府作天臑 腦戶 通天 消灤 天突 主頸有大氣

通天 主瘰灸五十壯 胸堂 羊尿灸一百壯

痔瘻 飛揚 主痔纂傷痛 絕骨 主瘰馬刀掖腫 天突 章門 天池 支溝 主漏又云支溝章門主馬刀腫瘻

商邱 復留 主痔血泄後重又云商邱主痔骨蝕喜慶夢 天窗 天突 主瘰頭痛 勞宮 主熱痔 承筋 承

扶 委中 陽谷 主痔痛掖下腫 會陰 主痔與陰相通者死 俠谿 陽輔 大衝 主掖下腫馬

刀瘻 竅陰 主癰疽頭痛如錐刺不可以動動則煩心 大陵 支溝 陽谷 後谿 主癰疥

癰疽病 曲泉 主癰疽陰跳痛引臍中不尿陰痿又云痛引莖中 關元 主癰疽又云主暴疽痛 中都 主癰疽崩中

中脘 主衝疽胃死不知人 合陽 中郄 主癰疽崩中腹上下痛及腸澀陰暴敗痛 照海 主四肢

淫灑身悶陰暴起疝 大谿 主胞中有暴疽瘰積聚與陰相引痛 商邱 主陰股內痛氣癰狐疝走上

下主小腹痛不可以俯仰 肩井傍肩解與臂相接處 主偏癰 巨闕 主狐疝 四滿 主臍下疝積

甲乙云主胞中有血 臍中 石門 天樞 氣海 主小腹疝氣遊行五臟繞臍痛衝胸不得息甲乙云臍疝繞臍痛衝胸不得息灸

臍中石門天樞主之 大敦 主率暴疝痛陰跳上入腹寒疝陰挺出偏大腫臍腹中悒悒不樂小便難而痛灸刺之

立已左取右取左甲乙云照海主之 衝門 太陰郄 主疝痔陰疝 天樞 主氣疝嘔 大巨 主癰疝偏

枯 交信 主氣癰癰疝陰急股樞膊內廉痛 中封 主癰疝癰暴痛痿厥身體不仁 氣衝 主癰陰

腫痛陰痿莖中痛兩丸癢痛不可仰臥 少府 主陰痛實時挺長寒熱陰暴痛遺尿偏虛則暴癢氣逆卒

疝小便不利 大赫 然谷 主精溢陰上縮 中極 主失精 陰市 主寒疝下至腹膝腰痛如清水

小腹諸痛按之下至膝上伏兔中寒疝痛腹滿痿少氣 五樞 主陰疝兩丸上下小腹痛 大衝 中封

地機 主癩疝精不足 又云大衝主 狐疝咽厥 魚際 主陰濕腹中餘疾 陰交 石門 主兩丸騫 又云石門主 腹滿疝積

大衝 主兩丸騫縮腹堅不得臥 陰谷 主陰痿不用小腹急引陰內廉痛 會陰 主陰頭寒 行門

主莖中痛

### 雜病第七

論曰膏肓膈無所不治至羸瘦虛損夢中失精上氣欬逆狂惑忘誤取穴法令人正坐曲脊伸兩手以臂著膝前令正直手大指與膝頭齊以物支肘勿令臂得動搖從脾骨上角摸索至脾骨下頭其間當有四肋三間灸中間依胛骨之裏肋間空去胛骨容側指許摩臑肉之表肋間空處按之自覺牽引胸戶中灸兩胛中各一處至六百壯多至千壯當覺氣下響響然如流水狀亦當有所下出若無停痰宿疾則無所下也若病人已困不能正坐當令側臥挽上臂令前求取穴灸之求穴大較以右手從右肩上柱指頭表所不及者是也左手亦然乃以前法灸之若不能久正坐當伸兩臂者亦可伏衣襟上伸兩臂令人挽兩胛骨使相離不爾胛骨覆穴不可得也所伏衣衣當令大小常定不爾則失其穴也此灸訖後令人陽氣壯旺當消息以自補養取身體平復其穴近第三椎相準望取之 當以四椎下 二分爲準 論曰夫昔秦緩不救晉侯之疾以其在膏之下肓之上鍼藥所不

能及者此穴是也時人拙不能求得此穴所以宿病難遣若能用心方便求得灸之無疾不愈矣 三里主腹中寒脹滿腸鳴腹痛胸腹中瘀血小腹脹皮腫陰氣不足小腹堅熱病汗不出喜嘔口苦壯熱身反折口噤鼓頤腰痛不可以顧顧而有所見喜悲上下求之口僻乳腫喉痹不能言胃氣不足久泄痢食不化脇下柱滿不能久立膝痿寒熱中消穀若飢腹熱身煩狂言乳癰喜噓惡聞食臭狂歌妄笑恐怒大罵霍亂遺尿失氣陽厥悽悽惡寒頭眩小便不利喜噦凡此等疾皆灸刺之多至五百壯少至二三百壯

湧泉 主喜喘喉痹身熱痛脊脇相引忽忽喜忘陰瘰腹脹腰痛大便難肩背頸項痛時眩男子如蠱女子如阻身體腰脊如解不欲食喘逆足下清至膝咽中痛不可內食瘡不能言小便不利小腸痛風入腸中癩疾俠臍痛急胸脇柱滿痛衄不止五疝指端盡痛足不踐地凡此諸疾皆主之

婦人門第八

小腹堅痛月水不通刺帶脈入六分灸五壯在手肋端一作一寸八分 漏下若血閉不通逆氣脹刺血海入

五分灸五壯在膝臚上內廉白肉際二寸中 漏血小腹脹滿如阻體寒熱腹偏腫刺陰谷入四分灸三壯在

膝內輔骨後大筋之下小筋之上屈膝乃得之甲乙云漏血小便黃陰谷主之 女子疝瘕按之如以湯沃兩股中小腹腫陰

挺出痛經水來下陰中腫或癢漉青汁如茶羹血閉無子不嗜食刺曲泉在膝內輔骨下大筋上小筋下陷中

屈膝乃得之刺入六分灸三壯 疝瘕按之如以湯沃股內至膝殄泄陰中痛小腹痛堅急重下溼不嗜食刺

陰陵泉入二分灸三壯在膝下內側輔骨下陷中伸足乃得之 經逆四肢淫灤陰暴跳疝小腹偏痛刺陰

入三分灸三壯在內踝下容爪甲 即照海穴也 小腹大字難噙乾嗜飲俠臍疝刺中封入四分灸三壯在踝前

一寸半伸足取之 女子不字陰暴出經漏刺然谷入三分灸三壯在足內踝前起大骨下陷中 字難若胞

衣不出泄風從頭至足刺崑崙入五分灸三壯在足外踝後跟骨上 月事不利見赤白而有身反敗陰寒刺

行間入六分灸三壯在足大趾間動應手 月閉溺赤脊強互引反折汗不出刺腰膈入二寸留七呼灸三壯

在第二十一椎節下間 絕子瘧寒熱陰挺出不禁白瀝瘰脊反折刺上窮入三分留七呼灸三壯在第一空

腰踝下一寸俠脊 赤白瀝心下積脹腰痛不可俯仰刺次窮入三寸留七呼灸三壯在第二空俠脊陷中

赤淫時白氣癰月事少刺中窮入二寸留七呼灸三壯在第三空俠脊陷中 下蒼汁不禁赤瀝陰中癢痛引

小腹控眇不可以俛仰刺腰尻交在兩腓上以月生死為瘡數發鍼立已 下第一窮 腸鳴泄注刺下窮入二寸留

七呼灸三壯在第四空俠脊陷中 赤白裏急癩癩刺五樞入一寸灸五壯在帶脈下三寸 拘攣腹滿疝月

事不下乳餘疾絕子陰癢賁豚上臏腹堅痛下引陰中不得小便刺陰交入八分灸五壯在臍下一寸 腹滿

疝積乳餘疾絕子陰癢賁豚上臏小腹堅痛下引陰中不得小便刺石門入五分在臍下二寸忌灸絕孕 絕

子衄血在內不下胞轉不得尿小腹滿石水痛刺關元入二分灸七壯在臍下三寸又主引脇下脹頭痛身背

熱賁豚寒小便數泄不止 子門不端小腹苦寒陰癢及痛賁豚搶心飢不能食腹脹經閉不通小便不利乳

餘疾絕子內不足刺中極入二分留十呼灸三壯在臍下四寸 赤白沃陰中乾痛惡合陰陽小腹臏堅小便閉刺屈骨入一寸半灸三壯在中極下一寸 月事不通奔泄氣上下引腰痛刺氣穴入一寸灸五壯在四滿下一寸 胞中痛惡血月水不以時休止腹脹腸鳴氣上衝胸刺天樞入五分灸五壯去膏肓一寸半 小

腹脹滿痛引陰中月水至則腰背痛胞中瘦子門塞大小便不通刺水道入二寸半灸五壯在大巨下三寸

月水不利或暴閉塞腹脹滿癰淫灑身熱乳難子上搶心若胞不出眾氣盡亂腹中絞痛不得反息正仰臥屈一膝伸一膝並氣衝上鍼入三寸氣至瀉之在歸來下二寸動脈應手 產餘疾食飲不下責脈上下傷食腹

滿刺期門入四分灸五壯在第二助端 乳癰驚癆脛重足跗不收跟痛刺下廉入三分灸三壯在上廉下三

寸 月水不利見血而有身則敗乳腫刺臨泣入二分灸三壯在足小趾次趾間去俠谿一寸半 女人疝及

小腹腫澹泄癰遺尿陰痛面塵黑目下皆痛漏血刺大衝入三分灸三壯在足大趾本節後二寸中動脈 女

子疝赤白淫下時多時少暴腹痛刺蠡溝入三分灸三壯在內踝上五寸 女子無子欬而短氣刺涌泉入三

分灸三壯在足心陷者中 乳難子上衝心陰疝刺衝門入七分灸五壯在府舍下上去大橫五寸 女子不

下月水痺驚善悲不樂如墮墜汗不出刺照海入四分灸三壯在內踝下四分又主女子淋陰挺出四肢淫灑

血不通刺會陰入二寸留七呼灸三壯在大便前小便後 子藏有積惡血內逆滿痛刺石關入一寸灸五

壯在陰廉下一寸 育門 主乳餘疾 三里 主乳癰有熱 神封 膺窗 主乳癰寒熱短氣臥不安



乳根 主膺腫乳癰悽索寒熱痛不可按 大谿 俠谿 主乳癰腫潰又云俠谿主小腹痛 大泉 主妒乳

膺胸痛 大赫 主女子赤沃 四滿 主子藏中有惡血內逆滿痛又云主胞中痛引水不通 中極 主拘攣腹拘月

水不下乳餘疾絕子陰痿 氣衝 主無子小腹痛 支溝 主女人脊忽痛 築賓 主大疝絕子 陰廉

主絕產 湧泉 陰谷 主男子如蠱女子如阻身體腰脊如解不欲食 水原 照海 主不字陰暴出

淋漏月水不來者悶而心下痛又云照海主陰挺下血陰中腫或癢澀清汁若葵汁

小兒病第九

本神 前項 顛會 天柱 主小兒驚癇 臨泣 主小兒驚癇反視 顛息 主癇喘不得息 然谷

主小兒臍風口不得開善驚 瘦脈 長強 主小兒驚癇癱瘓嘔吐泄注驚恐失精瞻視不明眇急 懸

鍾 主小兒腹滿不能食飲 譙譙 主小兒食晦頭痛